

1 Petro

1 Pe²jah³lo²na¹xai²na² Je³su² Kris²tu³jah¹la² i³sa²si¹hā³ū¹kxah³lo²sa¹wa². —~Txai²yā¹nxe³sxā³ a²nū²a² i³ye³kxi¹txai¹nhē³li¹. Txai²na² hxi²kan¹-txi³lo³txa²ha¹i¹. Je³su²jah³la² nxe³sa²kxah³lo²sa¹wa². Nxe³na¹te³na¹xai²na² i³ye³kxi¹nx2ta¹wa². Na¹ha²kxai³ wxāi²na² Txa²wā¹sū³na² Si³yxau³tāu³a¹ wā²-nxa³ka² so¹nx2ti³tū³ka³txi³syah¹lxi³ta¹hxain¹ti³ai¹ti²tu³wa². A²nū²a² Ju³te²a² nū³ka³txi³sxa³tū³ka³txa² kwa² jū¹nxe² kxān³su² yxau³yain¹yah³lxin¹ka³tu³, ā³yo³yo³li² yxau³yain¹tū³ka³txi³syah¹lxi³ta¹hxain¹ti³ai¹ti²tu³wa². Pō²ta³ko³xa² yxau², Ka³la²sa³ko³xa² yxau², Ka³pa³to²sa³ko³xa² yxau², A²si³a³ko³xa² yxau² Bi³ti²ni³a³ko³xa² yxau², nxe³hi¹nān¹te²tu³ yain¹yah³lxi³ta¹hxain¹ti³ai¹ti²tu³-wa². A²nxe³te² i³nxai²na² ū³wha²li¹la³kxi¹nx2ta¹wa². 2Wxāi²na² Txa²wā¹sū³na² Si³yxau³tāu³a¹ wā²nxa³ka² so¹nx2ti³tū³ka³txi³syah¹lxi¹lxa². Txa²wā¹si³-kxa³nāu³u¹tai²na² yū³ti³hex1nē³lxa³tāu³u¹tai²na², Txa²wā¹sū³na² wā²nxūh¹ i²sa²tē³kxi²nha²sxā³, wā²nxa³ka² so¹nx2ti³ta¹hxai²ti³ai¹ti²tu³wa². Je³su² Kris²-tu³jah¹la² sa²yxo²we¹jah³lxi¹nha²kxai³ ko³nxe³ti³ kāi²yah³lxin¹kxa² yo³ha² ā³wa²su¹txi²lxi³sxā³ yxau³yah³lxi¹nha²kxai³ nxe³si¹yah³lxin¹jau³nū³su² wā²-nxa³ka² so¹nx2ti³ta¹hxai²ti³ai¹ti²tu³wa². Jā¹nxe³nx2ti³ju³ta³nū³a² Txa²wā¹sū³na² Yāu³ka³jax¹la² i³nxū²kwai³wih¹nx2ti³sxā³ i³wi¹lhit1ti³hi¹nx2ti³na²he³la². Nxe³yah³lxi¹nha²kxai³ Txa²wā¹sū³na² kāi²thāi³ti³la² a³lxi¹nx2ti³ha²kxai³, nxe³nx2ti³tu¹wa². Nxe³nx2ti³ju³ta³nū³a² ten³khaix1sa³nha²wa².

Hxi²ka¹ka¹nha²la² yxau²xai³ki³jau³su²

3Txa²wā¹sū³na² Si³yxau³tāu³a¹ i³sa²nē¹kxa¹sah¹lxi³hē¹la². A²nxe³jah¹-la², Txa²wā¹hxi²kan¹jah¹la² Je³su² Kris²tu³jah¹la² A²wī³nu²su² ha²kxai³, nxe³jah¹lai²la¹wa². A²nxe³jah¹la² wi¹lhin¹sxā³ thāi³ti³la² sa²hau³ko³te³lhxā³ tah²lxi³ we²txi²nē³te²jai¹ti²tu³wa². Nxe³nē³kxe³su² Je³su² Kris²tu³jah¹la² ya³lu²kxi²nē³ju³ta² ka³ten³su² i³sa²yxau³xi²ta¹hxai²hē¹la². Nxe³sxā³ ka³te³-na² wi¹tāu³a¹ tah²lxi³ we²txi²nē³te²jai¹ti²tu³wa². Nxe³nē³lha²kxai³:

—~Yxan¹nāu³a¹, ha³lo²a² wi¹khai¹nxe³ju³ta² Txa²wā¹sū³na² ū³hū¹nē³tū¹xā¹. Nxe³-nē³ju³ta³nū³a² Txa²wā¹sū³na² i³ti³nxē³nē³lha²kxai³ a³la³kxi¹ki³tā³na¹. Ki³sa²kxai³ a²hī¹nai²na² ha³ta³nxān²txi³ hxi²ka¹ka¹nha²la² yxau²xai³ki³tā³na¹. Txa²wā¹ki³na¹-xai²na² nxe³hi³ki³tā³la². 4Txa²wā¹sū³na² tah²lxi³ we¹txa²txi³kxe³kxai³, a²yen³kxa² wi¹khai¹nxe³te²a², hxa³nxa³te²a² wi¹lhin¹khai¹nxe³te²a² oh³nāu³nū¹ka³nāu³a¹

Txa²wā¹sū³na² sxi²nhāu³a¹ ū³ha¹kxi¹nx2ti³te²ju²hē³la². 5 Wxāi²na² Txa²wā¹sū³na² yxo²i²yah¹lxi¹lxa². Yah¹lxi¹nha²kxai³, hxi²kan¹sxā³ a²hxi²ka³nāu³lot3sa²tē³nx2ti³-ka³tu³hu³, yxan¹nāu³a¹ ha³lo²ai²na² ne³ki³son³tāu³a¹, Txa²wā¹sū³na² ha³lo²nāu³a² oh³xai²nān¹ko³xan¹ta³ a³sa²so¹nx2ti³sxā³ yxau²sa²tē³yah³nx2ti³tu¹wa². A²ya³la³-tu³ a²kxā³nxāu³u¹tai²na² Txa²wā¹sū³na² wxa²wa²su¹ta³lun²nx2ti³ta¹hxai²hē¹la². Nxe³nx2ti³kxa²ha³ta³nxān²ti³ ū³ho¹ki¹nx2ti³kxe³hū³nxe² hxi²kan¹txi³ wxa²ye³na² ū²u¹yah³lxi³hī³nx2nxā³lxa². Yxān¹ta¹ yxan¹nāu³a¹ ha³lo²ai²na² ne³ki³son³tāu³a¹, Txa²wā¹sū³na² i³yau¹ū³nx2ti³tu¹wa². A²nxe³tāu³a¹ i²yah³lxin¹tu¹wa².

6 Nxe³nx2ti³ju³ta³nū³a² kāin² ka³lih³khaix1yah³lxi¹lxa².

—~A²ha² hī¹nai²na², jū¹nxe² kxān³su² txa²wā¹ha³lo²ai²na² khāuh³-lxa³ti³sa²sxā³ yxau³na¹kxe³su² āin²ti³sa²na³na¹. ū²li³hū³te² i³nxai²na² nxe³yah³lxi¹kxa²ha³ta³nxān²ti³ kāin² ka³lih³khaix1yah³lxi¹lxa². 7 Jā¹-nxe³ju³ta² ou²ra³ka³ta² a³lxi²khaix1te²ju²hē³la². A²nxe³ta³ka³ta² ha³nxe²a² a³lan²khai¹nxe³tho³xa² ū³hi³ki³te²ju²hē³la².

—~A²yen³kxa² a³xa², kwa³thi³la² a³xa² ū³kxē³ni²te² yen³kxa² ū³thū²ka²sai¹na¹-tū¹xā¹. A²ou²ra³khai³xa² a²wl¹te²a² so¹lxī³ i³we²jo²sa²so¹tai²lā¹. Nxe³ki³te²ju²hē³la². Nxe³ju³ta² ou²ra³ka³ta² ha³ta³nxān²txi³ hxan³te²ju²hē³la². Yxān¹ta¹ Txa²wā¹-sū³na² yxo²i²sxā³ yxau²wa³to²hi²yah³lxin¹tu¹wa². Nxe³ha²kxai³ Txa²wā¹sū³na² yxo²i²yah³lxin¹ju³tai²nān²tu³, ou²ra³ka³ta² a³lxi²khai¹nxe³kxa² ha³ta³nxān²txi³ a³sen³sai¹khai¹nxe³sxā³ a³lxi²khai¹nxe³jut3su² te²ju²hē³la². Nxe³ha²kxai³ Txa²wā¹-sū³na² yxo²i²yah³lxin¹ju³ta² i³we²ti²sa²so¹lxī¹nx2ti³hī³nx2na³la². Jā¹nxe³te²lhā³ha³lo²a² khāuh³lxa³ti³yah³lxin¹ju³ta² ū³h³wxe³nx2ti³te²ju²hē³la². Ou²ra³ka³ta² ha³nxe²a² ū³hi³lhī²jut3sū³nxe² nxē³nx2ti³te²ju²hē³la², a³lxi¹nx2ti³ha²kxai³la². Nxe³nx2ti³kxai²nān²tu³, yxan¹nāu³a¹ Je³su² Kris²tu³jah¹la² a³ya³ti¹xi²ne³tāu³a¹ i³sa²nēn¹lxī¹nx2ti³ha²kxai³, wxi²kin³ti³to³ti³hi¹txa²lxi³ha²kxai³, nxe³nx2ti³tu¹wa². 8 A²nxe³jah¹la² Je³su²jah³la² yuh³xai²nān¹te² ha³lo²ai²na² yxau³nū¹nhē³lhr¹nai³-ta² wxā²ye³na² ū²yah³lxi³hxai²nxān²tai¹ti²tu³wa². Yah²lxan³kxa²ha³ta³nxān²txi³ a³lxi²yah³lxi¹lxa². Jā¹yxah³lxin¹ju³ta² a²hī¹nai²na² wxā²ye³na² ū²yah³lxan³-kxa²ha³ta³nxān²txi³ yxo²i²i² kāin² i³ka³li³hi² yah³lxī¹lxa². Wxa²ē¹nāu³nū¹ai²na² whāi²na¹ kāin² i³ka³li³hxā³ hxi²kan¹txi³ ū³sal¹hxā³ wxā²yo²a² ū³ye³ah²lxan³kxa² ha³ta³nxān²txi³ kāin² ū³ka³li³yah³lxi¹lxa². 9 Yah³lxin¹ka³tu³, Je³su²jah³la² yxo²- ū²yah³lxi¹lxa². Nxe³yah³lxin¹jau³su² kwēn¹tai²na² wxā²wa²sut1sa²te³nx2ti³ka³tu³ hu³, yxan¹nāu³a¹ wxā²wa²su¹ta³lun²nx2ti³tu¹wa².

10 Jā¹nxe³ju³ta², kxā³nāu³u¹tai²na² a²nū²a²nāu³xu¹tai²na², Txa²wā¹sū³na² wān³txa² ū³hen³txi³tu³ka³txu¹tai²na² ū³ye³kxū¹nhē³te³nah¹lxi¹:

—~A²ya³la³tu³ Txa²wā¹sū³na² wxā²wa²su¹te³tu¹wi¹. Hī¹nai²na² ha³lo²a² ū³hū¹ne³lxa³ta³lxa² wān³txai²na² ū³ye³lxū¹nx2ta¹wi¹. Nxe³nē³ta¹hxai²hē¹-la². A²nxe³tū³ka³txu¹tai²na² ū³ye³kxi²nha²te³nah¹lxi¹:

—~Ha³lo²a² Txa²wā¹sū³na² wxā²wa²su¹te³ju³ta³nū³a² a³la³kxi²ti³ten³khai¹-nxē³sa³nha². Na¹jau³su² a²si³yxau³tāu³a¹ win¹ta²te²lxi³ ha³tin³ti³ ū³te³ni², ū³wa³ta³kxi²nha², ū³ne³wa³kon³nha²na¹xā¹. Nain¹tu³ka³txi³su² ta¹hxai²hē¹la².

11 A²nxe³t³ka³txa² S³na² wān³txa² i³hen³txi³t³ka³txu¹tai²na² Txa²wā¹s³na² A²yāu³ka³jxah¹la² nx³kwai³yxau³yain¹jah¹la² wān³txa² i³yau¹ū³hain¹te³nah¹lxi¹:

—~Yxan¹nāu³a¹ Kris²tu³jah¹la² khāuh³lxa³txi³tu¹wi¹. Nxe³sān²ka³tu³, nxe³nū²la² kāin² wxi³kin³ti³to³ti³hi¹tu¹wi¹. Ha³lo²a² ū³hū¹nx2ti³xa³ta³lx¹ nxe³nx2ta¹wi¹. Nxe³ain¹ta¹hxai²hē¹la². Ain¹ta¹ a²nū²a² nū³ka³txu¹tai²na² i³wā³ta³kxi²nhain¹te³nah¹lxi¹:

—~Ha³lo²ai²na² Txa²wā¹s³na² Yāu³ka³jxah¹la² i³ye³kxi²nē³ju³ta², ū³hī¹nxe³je³nāu³wa³ki³khai³xa² ū³hū¹nē³te³ji¹ku¹? Ha³lo²ai²na² hau³kon³te³lh³xā³ nx2na³na¹. Nxe³kxai²nān²tu³, ū³hī¹nxe³tsxā³a³la³kxi²hī³ki³te³ji¹ku¹? Ki³nhā¹. Ju¹ta² a³la³kxi²ti³ten³khai¹nxe³sa³nhā¹. Ta¹hxai²hē¹la². 12 Nxe³nxa²ha¹te¹ Txa²wā¹s³na² wān³txi³ty³ i³yau¹ū³hain¹te³nah¹lxi¹:

—~Yxan¹nāu³a¹, a²nū²a² yxo²ha³kxa¹, te² i³nxai²na² wxa²wa²su¹txa¹lxa¹tu¹wi¹. Nxe³nx2ta¹ju³ta³nū³a² wxa²ye³na² i²yah³lxan³tho³li¹. Yxān¹ta¹ yxan¹nāu³hī¹-nai²nān¹tū³ka³txa² ha³lo²ai²na² a²ye³na² i²ain¹tu¹wi¹. Nxe³ha²kxai³ a²hī¹nai²na² ha³lo²ai²na² ū³hū¹ain¹nxa³ta³lx² i³ti³nxe³txain¹yah³lx³hē¹li¹. A³nhxi²nū¹-nai¹yah³lxin¹tai²li¹. Txa²wā¹s³na² wān³txa² i³hen³txi³tū³ka³txu¹tai²na² S³na² wān³txa² i³yau¹ū³hain¹ta¹hxai²hē¹la². A²nxe³te² ha³lo²a² kwēn¹tai²na² i³yau¹ū³nx2ti³na³la². Txa²wā¹s³na² wān³txa² i³ye³kxi²nx2ti³ta³lx² i³ti³nxe³txain¹yah³lx³hē¹li¹. Txa²wā¹s³na² wān³txa² i³ye³kxi²nx2ti³na³la². Txa²wā¹s³na² Yāu³ka³jxah¹la² oh³nāu³u¹tai²na² i³sa²si¹-kat3tū¹nhē³kxah³lo²su² jah¹la² i³xyo²nū¹nū³hain¹jau³su² i³yau¹ū³nx2ti³na³la². Nxe³nx2ti³ju³ta² oh³xan¹ta²nū³ka³txa² i³ye³kxi²nha²te³nah¹lxi¹:

—~Txa²wā¹s³na² Hi²sen³su² a²nū²a² yuh³xai²nān¹tū³ka³txa² yxo²ha³-kxa¹ wxa²wa²su¹tain¹na³na¹. Ju¹ta² wi¹khai¹nx2na³na¹. A²nxe³ju³tai²na² i²i² a³la³kxi² nxe³ti³ten³sa³nhā¹. Nxe³hī³nx2na³la².

S³na² wi¹lhin¹kxa² yā¹nxe² yxau³ki³jau³su²

13 Nxe³ha²kxai³ Txa²wā¹s³na² a²ten³jau³su² ū³ka³te³lh³xā³ yxau²xai³-jah¹lx³hē¹la². Wi¹lain³nha², wi¹le³i², nxe³jah³lx³hē¹la². Yah³lxin¹ka³tu³:

—~Yxan¹nāu³a¹ Je³su² Kris²tu³jah¹la² a³ka³nx¹lx³wx¹ ū³tu¹xā¹. Nxe³-tāu³a¹ a²ya³la³tu³ kāin² thāi³ti³la² a²lx¹nē³lha²kxai³ wx²wa²su¹te³ju³ta² ū³ta³lu²nū¹nhē³lha²kxai³ nxe³ne³tu¹xā¹. Jau¹xai²na² so¹lx³ yxo² ū³lx³ ū³yxau²xai³-jah¹lx³hē¹la². 14 Yah³lxin¹kxai²nān¹tū³ Txa²wā¹s³na² wē³ha³lx³syah¹lx¹lx². Yah³lxin¹ka³tu³ a²ha¹ kxā³nx² Txa²wā¹s³na² wān³txa² Je³su² Kris²tu³jah¹la² ū³ye³kat1tū¹nhē³jau³xai²-na² ū³ne³to³yah²lxa³nhī¹nai³tā² ko³nx³ti³ yxo²kwain³yah³lx³hxain¹kxai³ jā¹nxe³yah³lx³txa³hē¹la². 15 Yah³lxin¹ta¹ Txa²wā¹s³na² ū³kaix1so¹nx2ti³jah¹la² wi¹lhin¹jah¹lai²la¹wa². Nxe³kxa²yā¹nxe³jah¹lx³ ū³wi¹lhin¹jah¹lx³ ū³ha³lo²-a² ū³li²ju³ta² ha³kxa¹ kāi³ ū³yxau²xai³jah¹lx³hē¹la². 16 Nxe³ju³ta² Txa²wā¹s³na² ū³te³hxā³nxā³jau³ ū³su² ū³te³nah¹lx¹:

—~i³wi¹lhin²jah¹lx³hē¹li¹. Txai²na² wi¹lhin¹jah¹lo² ū³sa¹i¹. Nxe³na¹kxa² yā¹nxe³jah³lx³hē¹li¹. Txa²wā¹s³na² ū³ta¹hxai²hē¹la².

17 —~A²nxe³jah¹la² Txa²wā¹wī³nai²la¹wī¹. Nxe³yah³lxi³hxain¹tai¹ti²tu³wa². Yah³lxi¹nha²kxai³ win¹ta²te¹lxi³ Txa²wā¹wī³na² ā³yo²hāu²not3sxā³ yxau³je¹jah³. lxi³hē¹la². Yah³lxin¹kxai²nān²tu³ yuh³xai²nān¹ko³xai²na² yxau³yah³lxi¹nhī¹na²:

—~Txa²ha³lo²sxa³xā¹. Kan²txi³ yxau³nū¹nxa³lho³na¹. Yah³lxin¹jau³su² yxau²-xai³jah¹lxi³hē¹la². Txa²wā¹wī³nai²na² a²nū²a² yxo²ha³kxa¹ te²ki³na¹xai²na² kāi³kxa² yā¹nxe²xai³sxa³ yxan¹nāu³a¹ nxū¹hain³nha²sxa³ i³yi¹li²xai³ne³tu¹wa². Hai³txi³ yau³tā³lī³ i³yi¹li²xai³ne³ju³ta³lā³ yū³te²sxa³yu²hē³la². Nxe³ha²kxai³ a²-nū²a² ko³nxe³ti³ kāi³jah¹lo²su² kxai²nān²tu³ hai³txi³ Txa²wā¹wī³na² wi¹lhin¹sxa³ i³yi¹li²kxah³lo²su² ti³hex1te²sxa³yu²hē³la². 18-19 Wxa²si³yah³la²nāu³xu¹tai²na² wxa²si³yxau³jah¹lo²nāu³xu¹tai²na² ha²yā³kxa³lxi³su² yxau²xai³lain¹ta¹hxai¹ti²ai¹ti² tu³wa². Nain¹jau³su² āh¹ ān³si³wē³not3so¹xi²yah³lxin¹ka³tu³ nxe³te² au³hxai¹tēx1 jāl³nxe³sxa³ āh¹ ha²yā³kxa³lxi³su² yxau²xai³yah³lxi³ta¹hin¹ti³ai¹ti²tu³wa². Yxān¹-ta¹ Txa²wā¹wī³na² wxa²wa²su¹txa²lxi³ta¹ti³ai¹ti²tu³wa². Nxe³nx2ti³ju³ta² Je³su² Kris²tu³jah¹la² a²ti³ha²yau³xan²tu³ wxā¹ne³kxe³su² ka³yxuh³xa² o³ve²a² wi¹khai¹nxe³te²a², khon³ti³he¹nxa³kxe³su² wi¹khai¹nxe³te²a² a²ti³ha²yau³hū³jau³xa² Je³su² Kris²tu³jah¹la² a²ti³ha²yau³xan²tu³ wxa²wa²su¹txa²lxi³ta¹ti³ai¹ti²tu³wa². Wxa²ha³yax3khin¹yah³lxin¹ju³ta² wxa²wa²su¹txa²lxi³sxa³ ū³yo²hi²ki¹nx2ti³ta¹ti³ai¹ti²tu³wa². Nxe³ju³ta² ou²ra³ka³ta² tā³nxa², pra²ta²ka³ta² ta³nxa², a²yo³ha²a³lxi³kxan²ti³ khon³te²ju²hē³la². Nxe³ha²kxai³ hxi²kan¹txi³ txa²wā¹ko³nxe³ti³ kāi³ki³ju³ta² ū³yo²hi²sxa³ wxa²wa²su¹te³te²sxa³-yu²hē³la². Nxe³nē³ju³ta³nū³a² Je³su²jah³la² a²ti³ha²yau³xa² so¹lxi³ a³lxi²sa²te³jau³xa² so¹lxi³ hxi²kan¹txi³ wxa²wa²su¹te³te²ju²hē³la². 20 Txa²wā¹sū³na² Si³yxau³tāu³a² so¹lxi³ yxa¹nai²nān¹te² ha³lo²a² ha³ta³nxān²txi³ a³la³kxi¹jah¹lai²la¹wa². Jāl³nxe³-kxe³su², yān³tai²na¹ yuh³xai²nān¹ko³xai²na² we¹txa³hi¹nu¹tai²na², Txa²wā¹sū³na² Si³yxau³tāu³a² ha³lo²a² yxa¹nai²nān¹ta³ko³xai²na² a³la³kxi¹jau³su², A²ki³lha³ixa² Je³su²jah³la² A²hxi²kan¹txa² Si³yxau³tāu³lot3ta¹hxai²hē³la². Sa²wa²su¹si¹nhē³-jau³nū³su² A²hxi²kan¹txa² Si³yxau³tāu³lot3ta¹hxai²hē³la². Yxān¹ta¹ ha³la³je¹nai²na² yuh³xai²nān¹ta³ko³xa² ne³ki³son³te³lhxā³ nxe³hi¹nai²na² so¹lxi³ Je³su²jah³lai²na² ū³hū³ne³na²hē³la². Wxa²yu³ta² wxa²wa²su¹txa²txi³si¹jau³su² ū³hū³nx2ti³na²hē³la². 21 Nxe³nx2ti³ka³tu³, Je³su²jah³la² wxa²wa²su¹txa²txi³ka³tu³, Txa²wā¹sū³na² Si³yxau³tāu³a¹ yxo²ti²yah³lxi¹lxa². A²nxe³jah¹la² nū³lkxūn³txi³ Je³su²jah³la² ya³lu²tāu³a¹ ka³ten³su² ū³sa²yxau³xi²ka³tu³ wxi²kin³ti³to³ti³hi¹tā²hē³la². Nxe³kxe³su²:

—~Txa²wā¹sū³na² yxo²ti²a¹xā¹. A²ya³la³tu³ yxan¹nāu³a¹ Txa²wā¹sū³na² ha³lo²a² yxau²xai³lyā³nhē³te³lhxā³ ū³sa²so¹xi²sa²tu³xā¹. Yah³lxin¹jau³su² nxe³yah³lxi¹lxa². 22 Yah³lxin¹ka³tu³ Txa²wā¹sū³na² wān³txi³tu³ sa²xyo²we¹jah³lxi¹lxa². Yah³lxin¹kxe³su² ū³wi¹lhin²jah³lxi¹lxa². Nxe³sxa³ a³lxi²waun¹yhū¹ah³lxi¹-lxa². Yah³lxin¹ka³tu³ ū³ti³wxa²xyo²ka³nāu³a² whāi²na¹ wi¹lāin³nha²sxa³: —~A³lxi²ki³lxo³nxe³yhu¹nxa³xā¹. Yah³lxin¹jau³su² a³lxi¹lxa² nhat1jah³lxi¹hē¹la². 23 Wxa²yu³ta² Txa²wā¹wī³na² Oh³nān¹jah¹la² tah²lxi³ we¹txa²lxi³ta¹ti³ai¹ti²tu³wa². Nxe³nx2ti³ju³ta² Txa²wā¹wī³na² wān³txa²ka³-ten³ti³hi¹te³jau³xa² kxān³su² kxa²ha³ta³nxān²ti³ yxau²wa³to²hi²ki²sa²te³jau³xa² ain³kxi²yah³lxi¹ka³tu³ tā²lxi³ we¹txa²lxi³ta¹ti³ai¹ti²tu³wa². Hai³txi³ yuh³xai²-

nān¹te² wī³na² hxan³te³lhxā³ nxe³te² wī³na², tah²lxi³ we¹txa²txi³te²sxa³yu²hē³la².
24Jā¹nxe³ju³ta² kxā³nāu³u¹tai²na² Txa²wā¹sū³na² ū³wha²l¹la³kxi²nē³te³nah¹lxi¹:

—~Ha³lo²a²nān¹te² si³sa² wa³su³txi³ hxan³te²jai¹ti²ti¹. Si³sain²txi³
 i³sa³lxi³ti², a²yāu³sain²txi³ i³sa³lxit3sxā³ āi³la¹hi² nxe³te²jai¹ti²-
 ti¹. Jā¹nxe³kxe³hū³nxe² a²nū²a² yxo²ha³kxa¹ te²ki³na¹xai²na² si³sa²
 hū³sxā³ yxau³hī³ki³tā³li¹. Wa³su³txi³ hxan³hī³ki³tā³li¹. Jā¹nxe³sxā³:
 “Wxi²kin³ti³to³na¹xā¹.” Nxe³ki³kxa² ha³ta³nxān²txi³ hāi¹nxe³sxā³
 si³sa³yāu³sū³sxā³ yxau³sxā³ wa³su³txi³ hxan³hī³ki³tā³li¹.

25 Yxān¹ta¹, Txa²wā¹hxi²kan¹ta² Si³yxau³tāu³a² wān³txa², kxā³nāu³a² ha³-
 ta³nxān²txi³ hxa³nxa³kxe³su² yxau²wa³to²hi²ki²sa²tē³jau³xai²la¹wi¹.
 Ta¹hxi²hē¹la². A²nxe³jau³xai²na² wi¹jau³xai²na² tah²yau³xai²na² Txa²wā¹-
 sū³na² i³tih³nxe³nx2ti³na³la².

Je³su²jah³la² tah³lxa³kat3sū³jah¹la²

2 1Nxe³sxā³ i³wi¹lhin²nx2ti³ju³txan¹te²ka³ya³tu³, i³ki³ha¹ki²nyhu¹i², wi¹-
 lhin¹ki³lxo³nxe², a²nū²a² ā³xa² yen³kxa² yxo²kwai³nxū³yhū¹i² ā³xa² ko³nxe³
 te²lo³jah³lxi³txa³hē¹la². A²nxe³te²a² ko³nxē³ju³ta² ha³kxa¹ ha²ya³ka²ti³jah³lxi³-
 hē¹la². 2Yah³lxin¹ka³tu³, we³sa² kwēn¹tai²na² a³li³la¹te²su² te²a² a²hā³ka³na²
 su³su³yau³xa² ya³ni¹li³khaix1te²jai¹ti²tu³wa². Jā¹nxe³kxe³hū³nxe², Txa²wā¹sū³na²
 wān³txa² wi¹khai¹nxe³jau³xa² a²ya³la³tu³ jau³xa² so¹lxin¹jau³xa² ya³ni¹li³-
 jah³lxi³hē¹la². Yah³lxin¹lxai²nān²tu³, Txa²wā¹sū³na² wxa²wa²su¹tē³ju³ta²,
 a³la³kxi²kāi²non³yah³lxin¹tu¹wa². Jā¹nxe³te³lhxā³ ya³ni¹li³jah³lxi³hē¹la². 3Txa²-
 wā¹sū³na² wān³txa² a³la³kxi²sxā³ yxau³xai³yah³lxi¹lxā². Nxe³yah³lxi¹nha²kxai³:
 —~Txa²wā¹hxi²kan¹ta² Si³yxau³tāu³a¹ wi¹lhin¹jah¹lai²la¹xā¹. Yah³lxi¹lxā².

4Jā¹nxa¹jau³su² a²nū²a² txah³lxa³kxa³txa² tē³sxā³ sxi²ha² t xo³nain¹te²-
 ju²hē³la². Ain¹sxā³:

—~Txah³lxa³kxai²li² wi¹na³na¹. A³lxi²sa³nha¹. Yxān¹ta¹ ta²ka¹txa² ā³-
 xai²na² e²na¹xā¹. Nxe³ain¹te²ju²hē³la². Nxe³nxa²ha¹te¹ sxi²ha² txon³sxā³
 hxi²khet1jah¹la² a²wān³txi³kxai³lu¹:

—~Ta²ka¹txai²na² e²nain¹ka³txai²na² wxa²so¹na¹ka³tu³ sxi²ha² t xo³na¹-
 ka³txa²nū³su² tū¹xā¹. Nxe³te²ju²hē³la². Te²yā¹nxe³kxe³hū³nxe² Je³su²jah¹la²-
 txah³lxa³kxa² e²nain¹kax3sū³na³la². Yuh³xai²nān¹tū³ka³txa² e²nain¹ta¹ti³-
 ai¹ti²tu³wa². Nxain¹kxa²ha³ta³nxān²txi³ Txa²wā¹sū³na² wān³txi³kxai³lu¹:

—~Je³su²jah³la² a³lxi²na¹nha¹. Wā²nxa³kxa² so¹na¹kxah³lo²su² na³na¹.
 Ka³ten³yah³lo²su² na³na¹. Nxe³jau³su² Txa²wā¹sū³na² nxe³ta¹hxai²hē¹la².
 A²nxe³ju³kxai³lu² Je³su²jah³la² yxo²i²ki³kxai²nān²tu³ ī³a³la³kxi²nē³lha²kxai³
 yxau²xai³lyā¹ki³ta³la². 5Nxe³lyā¹ki³sa²kxai³ sxi²ha² t xo³nain¹kat3sū³ki³-
 tā³la². Yxān¹ta¹ txah³lxa² ka³ten³kax3su² nxē²nxa³kxa²ha³ta³nxān²txi³
 ka³ten³su² yxau²xai³lyā¹ki³ta³la². Txa²wā¹sū³na² Yāu³ka³jxah¹la² hi²sen³su²
 Je³su² Kris²tu³jah¹la² yxo²i²ti³hit1tē³ti³ai¹ti²tu³wa². Nxe³sxā³ Sū³na² wa³ka³-
 li³lo³tē³lha²kxai³ sa²yxo²wet1sxā³ yxau²xai³ki³ta³la². Je³su² Kris²tu³jah¹la²

í³hxi²ka¹tē³lha²kxai³ Sū³na² í³ka³li³ju³ta² o²la³kxi²nū¹sxā³ yxau²xai³ki³-tā³la². 6 Jā¹nxe³jau³su², Txa²wā¹sū³na² ū³wha²li¹la³kxi²ne³te³nah¹lxi¹:

—~Ne³ka²ki²sah¹lxi³hē¹li¹. Txai²na¹xai²na² Sū³na² Si³yxau³tā³su² na¹-te³na¹xai²na², hxi²kan¹ta² si³yxau³tā³lot3ta¹jah¹la² Si³āu²thī³na²
ūh³wxe³nū¹hai¹na¹wi¹. Jah¹la² tah³lxi³hū³jah¹lo²su² na³li¹. Na¹ka³tū³,
sxi²ha² a²wa³kxēn³yah³la² tah³lxa³ka³ta² yxo²ka³kan³ka³txa² wi¹-
khai¹nxe³ka³ta² a³lxi²khai¹nxe³ka³txa² wā²nxa³kxa² so¹sxā³, sxi²ha²
ūh³wxe³jut3sū³nxe², kxa²yā¹nxe³sxā³ Hxi²kan¹ta² Si³yxau³tā³lo³ta¹-
jah¹la² ūh³wxe³nū¹hai¹na¹i¹. Nxe³ha²kxai³, hxi²kan¹khai¹xain¹na³li¹.
Nxe³kxai²nān²tū³, a²nū²a² i³li³te²an²tū³ hxi²kan¹ta² si³yxau³tā³lo³-
ta¹jah¹la² yxo²í²kxai²nān²tū³, te²a² so¹lxi³ i³yxaih¹xa³lho³li¹.

Ta¹hxai²hē¹la². 7 Nxe³ha²kxai³, tah³lxa³kat3sū³jah¹lai²na² Je³su²jah³la²
yxo²i²yah³lxi¹lxa². Yah³lxi¹nha²kxai³, a³lxi²khaix1yah³lxi¹lxa². Yxān¹ta¹, a²-
nū²a² Je³su²jah³la² sa²yxo²ā³kxai²nān²tū³, a²nxe³te² ha³lo²a², Txa²wā¹sū³na²
wān³txa² yau³xā³xa² ū³wha²li¹la³kxi²ne³lhxā³ i³ti³nxe³ne³te³nah¹lxi¹:

—~Tah³lxa³ka³tai²na², a²kxā³nxa² a²nū²a² sxi²ha² txon³tū³ka³-
txa² i³yen²sxā³ ā³yxu¹lxxā³ain¹na²hē³li¹. Nxe³ta¹, kwēn¹tai²na²
hxi²kan¹khai¹nxe³ta³ka³tai²la¹wi¹.

Ta¹hxai²hē¹la². Jā¹nxe³jau³xau³hxai²tēx1 jā¹nxe³jau³lxi³, Ju³te²a² nū³ka³txa² sa²-
kxai³lu² Je³su²jah³la² i³yen²sxā³ sa²yxo²ā³ain¹ta¹hxai²ti³ai¹ti²tu³wa². Yxān¹ta¹,
a²hī¹nai²na² Je³su²jah³la² ā³sen³sai¹khai¹nxe³sxā³ hxi²kan¹khai¹nxe³ye²yhain¹-
na³la². 8 Jā¹nxe³sxā³, Txa²wā¹sū³na² Yau³xā³xa² ū³wha²li¹la³kxi²ne³te³nah¹lxi¹:

—~A²nū²a² Txa²wā¹sū³na² wān³txa² sa²yxo²ā³kxai²nān²tū³, ko³nxe³-
ju³ta³lot3sxā³ yxau³tu¹wi¹. Tah³lxa³ka³ta² sa²tā³yxo²thu²kā¹sxā³
a³hi¹sxā³ hxi²kan¹txi³ i³sa²yxau³xi²sxā³ we²nxi²nxa³jut3sū³nxe²,
ko³nxe³ju³ta³lot3sxā³ yxau³tu¹wi¹.

Ta¹hxai²hē¹la². A²nxe³te²su² te²a², Txa²wā¹sū³na² wān³txa² sa²yxo²ā³ai¹-
nha²kxai³, ko³nxe³ju³ta³lot3sxā³ yxau³ain¹ta¹hxai²hē¹la².

—~Ju¹ta² wain³na³na¹. Txa²wān³txa² sa²yxo²ā³sai¹nha²kxai³lā¹. Txa²-
wā¹sū³na² a²é¹nān¹jau³su² ta¹hxai²hē¹la².

9 Yxān¹ta¹, wxāi²na² Txa²wā¹sū³na² wā²nxa³ka² so¹nx2ti³tū³ka³txi³syah¹lxi¹-
nha²kxai³, Txa²wā¹sū³na² nū³ka³txi³khai³syah¹lxi¹nha²kxai³, nxe³yah³lxi¹lxa².
Te²yā¹nxūn³sxā³ Txa²wā¹sū³na² ā³ti³sxā³ a²ten³jau³su² kāi³yah³lxi¹nha²kxai³
i³sa²nēn¹kxi²yah³lxi¹nha²kxai³ nxe³yah³lxi¹lxa², wi¹lhin¹khai¹nxe³tū³ka³txi³-
syah¹lxi¹nha²kxai³, nxe³yah³lxi¹te²si¹lxa². A²ha² kxā³nxa² ka³nxah³ti³hū³tā³u¹a¹
yxau²ho³hah³lxi³ta¹hi¹nhē¹la². Nxe³sxā³, Txa²wā¹sū³na² wān³txa² sa²yxo²ā³-
sxā³ yxau²ho³hah³lxi³ta¹hi¹nhē¹la². Yxān¹ta¹ Txa²wā¹sū³na² wxi²kin³ti³ton³txi³
i³kaix1so¹nx2ti³ta¹hē¹la². ī³kaix1so¹nx2ti³ka³tū³, Txa²wā¹sū³na² wān³txa²
sa²yxo²wet1si¹nxa²lxi³ha²kxai³ Txa²wā¹sū³na² ha³lo²a² wxi²kin³ti³ton³te² ha³-
lo²a², ha²te¹te²hū³te² ha³lo²a² ūh³wxe³nxa²lxi³ta¹hē¹la². Nxe³yah³lxin¹ju³ta²,
Txa²wā¹sū³na² kāi² ū³sa²nēn¹kxi²si¹nx2ti³jau³nū³su² ū³kaix1so¹nx2ti³ta¹-
hē¹la². 10 A²ha² kxā³nxa² Txa²wā¹sū³na² nū³ka³txi³syah¹lxi³ta¹hxan³nhē¹la².

Jā¹nxē³kxe³hū³nxe², a²ha² kxā³nxa² Txa²wā¹sū³na² wi¹lhin¹sxā³ thāi³ti³la²
sa²hau³ko³nx2ti³ju³ta² ko³nyhah¹lxī³ta¹hxā³nhē¹la². Yxān¹ta¹, a²hī¹nai²na²
Txa²wā¹sū³na² wi¹lhin¹sxā³ thāi³ti³la² sa²hau³ko³nx2ti³ju³ta² ko³nyhah¹lxī¹lxā².

Txa²wā¹sū³na² wa³ka³li³yu³ta³lot3sxā³ yxau²xai³ki³jau³su²

11 Nxe³jah³lxī³sa²lxa². A³lxī¹nx2ta¹nha²wa². Nxe³nx2ta¹kxe³su², txa²-
yxo²ka³nāu³ai²na² whāi²na¹ i³ye³kxi¹nx2ta¹wa². Wxa²ha³lo²khai³xa²
Txa²wā¹sū³na² ha³lo²ai²la¹wa². Oh³nāu³u¹tai²nān¹te² ha³lo²ai²la¹wa². Nxe³-
ha²kxai³, a²hī¹nai²na² yuh³xai²nān¹ko³xai²na² yxau³yah³lxī¹nhī¹nai²na²:

—~Txa²ha³lo²sxa³xa¹. Kan²txi³ yxau³nū³nxa³lho³na¹. Yah³lxin¹jau³-
su² yxau³je¹txain¹yah³lxī³hē¹la². Yah³lxin¹kxai²nān²tu³, wxa²sī³nai²na²
yuh³xai²nān¹te² sī³nai²na², ko³nxe³ti³ yxo²kwain³nxa²lxī³si¹jau³nū³su²
sa²yxo²wet1sxā³ yxau²xai³yah³lxī³txa²hē¹la². A²nxe³te²a² ko³nxe³ti³ yxo²-
kwain³nxa²lxī³si¹jau³nū³ai²na² a²ta³a² sa²so¹sxa³ wxa²wi¹nx2ti³tāu³a¹
ā³nhe¹ki¹nx2ti³na³la². 12 Nxe³ha²kxai³, a²nū²a² Ju³te²a² nū³ka³txi³sxa³tu³ka³-
txai²na² yxau³yain¹yah³lxin¹tu³ka³txai²na², hai³txi³ Txa²wā¹sū³na² wān³txa²
sa²yxo²we¹tu³ka³txi³sai¹nxa³wa². Nxe³ha²kxai³, wi¹kāi³je²txain¹yah³lxī³hē¹-
la². Yah³lxin¹kxai²nān²tu³, ko³nxe³te²la³ i³yī¹li¹nx2tain¹kxa² ha³tā³nxān²txi³,
wxa²wi¹kāi³ye¹yah³lxin¹ju³ta² i²so¹nx2tain¹tu¹wa². Nxe³nx2tain¹kxai²nān²tu³:

—~Txa²wā¹sū³na² wxi²kin³ti³ton³na³li¹. A²sū³nāin²txi³ wi¹lhī¹ni², a²sa³-
wi³ha³lxain²txi³ wi¹lhī¹ni², ain¹na³li¹. Nxe³nx2tain¹tu¹wa². Txa²wā¹sū³na²
ā³wa³la² i³xi²tāu³a¹ nxe³nx2tain¹tu¹wa².

13 Wxāi²na², Je³su²jah³la² a²wē³ha³lxī³syah¹lxī¹lxā². Yah³lxī¹nha²kxai³, a²nū²a²
hxi²kan¹ta² yxo²ha³kxa¹ a²yu³hē³na² yxau³jah³lxī³sxa³ sa²yxo²we¹jah¹lxī³hē¹-
la². Yah³lxin¹kxai²nān²tu³, yuh³xai²nān¹te²a² hxi²kan¹ta² si³yxau³kax3khai³su²
tāu³a¹, a²nū²a² yxo²ha³kxa¹ ān³sen³sai¹nē³jah¹lo²su² tāu³a¹ txā² sa²yxo²we¹txain¹-
yah³lxī³hē¹la². 14 Yah³lxin¹kxai²nān²tu³, ā³sa²ki³la³xi²sxa³ hxi²kan¹tu³ka³txan²tu³,
a²si³yxau³ka³khai³su² tāu³su² tāu³a¹ hxi²kan¹txi³lot3sxā³ i³kwa³na³tu³ka³txi³su²
hī³nx2na³la². A²nū²a² ko³nxe³ti³ kāi³te²a² khāuh³lxa³ti³hi¹ti², a²nū²a² wain³txi³-
kāi³te²a² i³sa²nēn¹kxi², nxe³te³lhxā³ hxi²kan¹txi³lon³te²ju²hē³la². Nxe³ha²kxai³,
ā³sa²ki³la³xi²tū³ka³txain²ti³ yxo²ha³kxa¹ sa²yxo²we¹tain¹yah³lxī³nū³nhē¹la².
Yah³lxin¹kxai²nān²tu³, Txa²wā¹sū³na² a²e¹nān¹jau³su² i³hau³ko³tūh³lxā³ kāi³-
yah³lxī³hī³nxā¹lxā². 15 Yah³lxin¹kxai²nān²tu³, wi¹kāi³yah³lxin¹kxai²nān²tu³,
a²nū²a² Txa²wā¹sū³na² wān³txa² sa²yxo²ā³ain¹tū³ka³txa²:

—~Ko³nxe³ti³hit1sxā³ i³ye³kxi²na¹tū¹xa¹. Nxe³kxi¹nx2ti³kxa² ha³tā³nxān²-
txi³, wxa²wain³txi³ kāi³yah³lxin¹ju³ta² i²so¹nx2ti³kxai²nān²tu³, hāi¹nxe²
ā³ka³nah²nxe³sxa³ yxau³ya³nx2ti³hī³nx2na³la². 16 Jā¹nxa¹jau³su², wa²su¹-
wa²sun¹sxa³ yxau²xai³jah¹lxī³hē¹la². Yah³lxin¹ta¹, i³yon²ta³kxi²nha²sxa³:

—~Je³su²jah³la² ha³lo²a² yxo²ha³kxa¹ wxa²wa²sut1sa²na³na¹. Sa³ha²kxai³,
ko³nxe³ti³ kāi³al¹kxa² ha³tā³nxān²txi³ wi¹lhī³nx2na³na¹. Nxe³yah³lxī³txa³-
hē¹la². Wxāi²na² Txa²wā¹sū³na² wa³ka³li³yu³ta³lot3sxā³ yxau³yah³lxī¹lxā².
Yah³lxī¹nha²kxai³, Txa²wā¹sū³na² so¹lxī³ sa²yxo²wet1sxā³ yxau³jah³lxī³hē¹-

la². 17 Jā¹nxe³jut3su², a²nū²a² yxo²ha³kxa¹ wi¹lhin¹sxā³ ī²nha¹jah³lxi³hē¹la². Jā¹nxe³sxa³, Txa²wā¹sū³na² wē³ha³lxa² yxo²ha³kxa¹ a³lxi²waun¹yhū¹², Txa²wā¹sū³na² Si³yxau³tāu³a¹ ī³ye³kxi²nha²sxā³ ī³yo²nha², yuh³xai²nān¹te² a²hxi²kan¹ta² si³yxau³kā³khai³su² jah¹la² ī³sa²nēn¹kxi², nxe³jah³lxi³hē¹la².

Khāuh³lxa³ti³ti³hit1txa²lxi³ju³ta² ī³yau¹ū³jau³su²

18 A²nū²a² ā³xa² a²wa³kxēn³yu³ta³lot3sxā³ yxau³yah³lxin¹te² ī³nxa² nxe³jah³lxi³hē¹li¹. Wxa²wa³kxē³yah³la² sa²yxo²we¹ti², ī³sa²nēn¹kxi², nxe³jah³lxi³hē¹la². Yah³lxin¹ka³tu³, wi¹lhin¹te²a² a²wa³kxēn³yah³lain²txi³ sa²yxo²we¹ti², ān³txi³thin¹te²a² a²wa³kxēn³yah³lain²txi³ sa²yxo²we¹ti² nxe³jah³lxi³hē¹la². 19 Yah³lxin¹kxai²nān²tu³, wain³txi³ kāi³yah³lxin¹kxa² yo³lha³, wxa²wa³kxē³yah³la² kwa²to³to³hō³lxi² ī³an³ta³kxi¹nx2ti³sxā³ khāuh³lxa³ti³hi¹txa²lxi³kxai²nān²tu³, ya³nān³ta³ki²la²sxā³ yxau³je¹txain¹yah³lxi³hē¹la².

—~Txa²wā¹sū³na² yxo²i²a¹xā¹. Yah³lxin¹jau³su², ya³nān³ta³ki²la²sxā³ yxau³je¹jah³lxi³hē¹la². Yah³lxin¹kxai²nān²tu³, Txa²wā¹sū³na² ī³sa²nēn¹kxi¹nx2ti³tu¹wa².

20 Yxān¹ta¹, ko³nxe³ti³ kāi³yah³lxin¹kxai²nān²tu³, nxe³yah³lxin¹kxa² yo³su² wxa²wa³kxē³yah³la² khāuh³lxa³ti³hi¹txa²lxi³kxai²nān²tu³, hāi¹nxe³sxā³ wain³txi³ ū³yo³hi¹nx2ti³hi¹nx2na³la². Nxe³nx2ti³sxā³ khāuh³lxa³txi³yah³lxin¹ju³ta²na² ya³nān³ta³ki²la²sxā³ yxau³yah³lxin¹kxa² ha³ta³nxān²txi³, hai³txi³ Txa²wā¹sū³-na² ī³sa²nēn¹kxi¹nx2ti³xa²lho³la². Yxān¹ta¹, wain³txi³ kāi³yah³lxin¹kxai²nān²tu³, nxe³yah³lxin¹kxa² yo³su², a²nū²a² ku³lhxa³thin¹te²a² khāuh³lxa³ti³hi¹txa²-lxi³kxai²nān²tu³, hāi¹nxe³sxā³ ya³nān³ta³ki²la²sxā³ yxau³je¹jah³lxi³hē¹la². Yah³lxin¹kxai²nān²tu³, Txa²wā¹sū³na² kāin² ī³sa²nēn¹kxi¹nx2ti³tu¹wa².

21 Jā¹nxe³yah³lxin¹si¹jau³nū²su², Txa²wā¹sū³na² ī³kaix1so¹nx2ti³te²ju²hē³la².

Nxe³sa³ku¹, Je³su²jah³la² khāuh³lxa³txi³ki¹nx2ti³ta¹hxai²hē¹la². Ain¹sxā³:

—~Txa²si³yo³na², txa²sa³wi³ha³lxa² ain³kxi²so¹ki²sa²sxā³ khāuh³lxa³ti³-nha²sxā³ yxau²xai³la¹kxa² yā¹nxain¹ta¹lā¹. Nxe³kxi¹nx2ti³jau³su², Je³su²jah³la² khāuh³lxa³txi³nha¹nx2lxi³ta¹hxai²hē¹la². 22 A²nxe³yah¹la² ko³nxe³ti³ kāi³ain¹ju³-ta² yū²nxa³ha²kxai³, ki³han³jau³xa² ī³ye³ti³he¹nx2nxa³ha²kxai³, ta¹hxai²hē¹la². Nxe³kxa²ha³ta³nxān²ti³ khāuh³lxa³ti³hit1ta¹hxai²hē¹la². 23 A²nū²a² ku³lhxa³-thin¹te²a² ko³nxe³ti³hit1sxā³ ī³ye³txain¹kxa² ha³ta³nxān²txi³, hai³txi³ a²yo³la³ ko³nxe³ti³hit1sxā³ ī³wa²lū³xi²ti³he¹nx2nxa³ha²kxai³, ja¹nxe³sxā³, a²nū²a² khāuh³lxa³ti³hi¹tain¹kxa² ha³ta³nxān²txi³, hai³txi³ ī³wa²lxi³nha²sxā³ ī³ye³kxi²-te³lhxā³ ti³he¹nxai¹nxa³ha²kxai³, Je³su²jah³la² ta¹hxai²hē¹la². Hāi¹nxe³sxā³:

—~Txa²wī³na² yxo²t²a¹xā¹. Jah¹la² wain³txi³ wā²nxū¹ ī²ūh¹ki²sa³tu¹-xā¹. Nain¹jau³su² ta¹hxai²hē¹la². 24 Wā²nxū¹ Je³su²jah³la² so¹lxi³ hi³sa³ka³txa² ya³lu²kxi²nē³ta¹hxai²hē¹la². Txa²wā¹ko³nxe³ti³ kāi³ki³ju³ta² a²wah³yu³ta² ū³yo³hi²-te³lhxā³ jah¹la²nū²a² ya³lu²kxi²nē³ta¹hxai²hē¹la². Nxe³ha²kxai³, ko³nxe³ti³ kāi³sxā³ yxau²xai³ki³ju³ta² a³na¹hxa³ki³sa²kxai³ Txa²wā¹sū³na² wān³txa² sa²yxo²wet1sxā³ kāi³sxā³ yxau²xai³ki³sa²kxai³ nxe³si¹nħē³jau³su² Je³su²jah³la² ya³lu²kxi²nē³ta¹hxai²hē¹la². Nxe³sxā³, Je³su²jah³la² ī³ta³lo³wait1sxā³ khāuh³lxa³tain¹ju³ta²kxai³, wxa²lxi³thin¹yah³lxa³ju³ta² ha³kxa¹ ī³we²ti²hi¹txa²lxi³ta²lhxai²hē¹la². 25 Wxāi²-

na², a²ha² kxā³nxa² ka³yxuh³xa² o³ve²a² a²wa³kxēn³yah³la² ka³lun²ki²jut3sū³nxe², Txa²wā¹sū³na² ū² ha³na³ka³lxī³ yxau²xai³yah³lxī³ta¹hxai¹nhē¹la². Yxān¹ta¹, a²hī¹nai²na² ū³wa²li² i³xi²sxā³, wxa²wa³kxē³yah³la² wi¹wi¹nxe² wxa²hau³ko³txa², lxī³jah¹la² a²hxi²ka³nāu³a¹, yxau³yah³lxī¹lxā².

In³txa² txu¹ha² tē³nyhu¹te²a² yxau²xai³nyhu¹kxi³ju³ta²

3 1-2 Jā¹nxe³sxā³ a²hī¹nai²na² txu¹ha² in³txa² tē³yah³lxin¹ta¹ka³lxu³nāu³ i³nxa² so¹lxī³ i³ye³kxi¹nx2ta¹xa². Wxa²wē³sāi¹ah³la²nāu³xai²na² sa²yxo²-we¹jah³lxī³hē¹na². Yah³lxin¹kxai²nān²tu³, wxa²wē³sāi¹ah³la² Txa²wā¹sū³na² wān³txa² yxo²1a¹nxa³te²su² kxai²nān²tu³, Sū³na² ū³si³te³si¹hain¹yah³lxin¹-jau³su² i³ye³ye³kain¹yah³lxī³txa²hē¹na². Hāi¹nxe³sxā³ sa²yxo²we¹ti², wi¹kāi³i², nxe³je¹txain¹yah³lxī³hē¹na². Yah³lxin¹kxai²nān²tu³, wxa²wē³sāi¹ah³lai²na² ū²so¹nx2ti³kxai²nān²tu³, sa²wa³ti³nha²sxā³, Txa²wā¹sū³na² wān³txa² yxo²-i²yah³lxin¹kxa² yā¹yxē¹nx2ti³tu¹xa². Jā¹nxe³ya³nx2ti³te³lhxā³ ya³nx2ta¹xa². Ain¹sxā³ wxa²wē³sāi¹ah³la² a²ē¹nān¹jau³su² te³nah¹lxī¹:

—~Txa²sxe³xa³ka³lxai²na², hai³txi³ Je³su²jah³la² sa²yxo²wet1si¹sa²jau³su² i³ye³kxi²sa²hxai²nxa³hē³na¹. Sa²nxa³kxa²ha³tā³nxān²txi³, Je³su²jah³la² sa²yxo²-we¹ti³ten³sa³nha¹. Nxe³sa³ku¹. Txa²sxe³xa³ka³lxai²na² wi¹lhi¹ni², yxo²1nha², Txa²wā¹sū³na² yxo²o²nha²sxā³ yxau²xai³li², nx2na³na¹. Ta¹ka³lxai²na² A²Sū³na² wi¹lhin¹khai¹nxe³jah¹lo²su² yū³hī³nx2na³na¹. Na¹ha²kxai³, sa²yxo²we¹ti³ten³sa²-nū³nha¹. Wxa²wē³sāi¹ah³la² nxe³yu³nx2ti³hī³nx2na³na². 3 Yah³lxin¹kxai²nān²tu³:

—~Wā²la² a³lxī²khai¹nxe³ka³lo³a² ū³whī²kxi²nha², kāi³lxā² a³lxī²khai¹-nxe³ti³nha² ou²ra³ka² we¹kxa² ū³yhe²ta³kū¹nha², ū³hxi²kū¹nha², txa²ne³ki³sa² wi¹khai¹nxe³nha², na¹tū¹xa¹. Na¹ha²kxai³ wi¹khai¹nxe³sa³tū¹xa¹. Nxe³nyhah¹-lxī³txa²hē¹na². A²nxe³te²a² a²txai²na¹ a³lxī²khai¹nxe³ye²te²a² yuh³xai²nān¹te² yen³kxai²la¹xa². Kāu³sxā³ hxan³kxi¹nx2ti³hī³nx2nxā³xa². 4 Yxān¹ta¹ Txa²-wā¹sū³na² ū³txi³ wxa²ē¹nāu³a¹ whāi²na¹ tah²lxī³ we¹txa²lxī³kxai²nān²tu³, wi¹khai¹nxe³sxā³ ū³yxai¹hxa³sxā³ thāi³ti³la² nxe³yah³lxī³hī³nxā¹nxa². A²nxe³te² wi¹lyah³lxin¹ju³ta³nū³ai²na² hxan³kxi¹nx2ti³xah³lo³na².

—~Nxe³ju³ta² so¹lxī³ a³lxī²kha1lx1na¹ju³tai²lxā²na³na¹. Txa²wā¹sū³na² nxe³hī³nx2na³na². 5 Jā¹nxe³ju³ta², a²ha² kxā³nāu³u¹tai²na² txu¹ti³nāu³u¹-tai²na² wi¹lhin¹ta¹ka³lxu²nāu³u¹tai²na², Txa²wā¹sū³na² yxo²i²i²:

—~Txa²sū³nāi³. Au³txi³ txa²ē¹nāu³a¹ whāi²na¹ tah²lxī³ wet1sē¹li¹. ū³wi¹-lha³tai²li¹. Ain¹jau³su², a²wē³sāi¹yah³la² sa²yxo²we¹tain¹ta¹hxai²hē¹na². 6 Jā¹nxe³sxā³ Sa²ra³ka³lxī³nu¹tai²na² sa²kxai³lu², a²wē³sāi¹yah³la² A³bra³-āu²ah³lo²nu¹tai²na² wān³txa² sa²yxo²we¹tain¹ta¹hxai²hē¹na².

—~Txa²hxī²kan¹jah¹lāi³. Nxe² ū³hen³txain¹ta¹hxai²hē¹na². Jā¹nxe³jah³-lxī³hē¹na². Yah³lxin¹kxai²nān²tu³:

—~Ta¹ka³lxu¹jā¹nxe² wain³txi³kāi³a¹tū¹xa¹. Ha³lo²a² ū²li³ju³ta² yuh³lxin²nxa³lho³-na¹. Yah³lxin¹kxai²nān²tu³, Sa²ra³ka³lxī³nu¹tai²na² a²ka³ne³lhu³yah³lxī³hī³nxā¹nxa².

7 Te²ysā¹nxe³te²hū³te²lxī³, a²wē³sāi¹yah³lo²nāu³ ū³nxai²na² ū³ye³kxi¹nx2ta¹wa². Wxa²sxe³xa³ka³lxā² ū³yah³lxin¹ta¹ka³lxā² kū³we²ki²la² nū³kxū³yai¹nxa³ju³ta²

a³la³kxi²sxā³ yxau³je¹jah³lxi³hē¹la². Wxāi²na² in³txi³ i³nxai²na² so¹lxi³ a³sen³-
sai¹sxā³ nū³kxūn³yah³lxi³hī³nxā¹lxa². Yah³lxin¹kxai²nān²tu³, i³yxo²o²lhxa³
wxa²sxe³xa³ka³lxa² a³nhxi²nū¹nū³jah³lxi³hē¹la². Txa²wā¹sū³na² kāin² thāi²ti³la²
a³lxi²nē³lhxa³, ka³te³na² wi¹tāu³a¹ ū³yhen³kxi²nē³na³la². Wxāi²na² a²wē³-
sāi¹yah³lo² i³nxāin²txi³ ū³yhen³kxi¹nx2ti³ha²kxai³, wxa²sxe³xa³ka³lxain²txi³
ū³yhen³kxi²ha²kxai³, nxe³nx2ti³hī³nx2na³la². Nxe³nx2ti³ha²kxai³, a³la³kxi²-
yain¹yah³lxin¹jau³su², wxa²sxe³xa³ka³lxa² a³lxin¹lxā³ yxau³je¹jah³lxi³hē¹la².
Yah²lzan³kxai²lē¹. Wān³txa² Txa²wā¹sū³na² i³ye³kxi²yah³lxin¹jau³su² hai³txi³
ain³kxi¹nx2ti³hī³nx2nxa³wa². Jā¹nxe³yah³lxin¹kxa²yān³ti³su² ye¹nx2ta¹wa².

Wi¹kāi³kī³kxa²yo³su² khāuh³lxa³ti³hit1tē³jau³su²

8 Hāi¹nxe³kxe³hū³nxe², wxa²yu³ta² yxo²ha³kxa¹, Txa²wā¹sū³na² wē³ha³lxi³-
syah¹lxi¹lxa². Nxe³ha²kxai³, a²wā¹tā³nāu³xa² a³lxi²waun¹nha¹jah³lxi³hē¹la².
Yah³lxin¹kxai²nān²tu³ wi¹lī³we¹nha²yhu¹i², i³āin²ta³kxi²nha²yhu¹i², i³yan³-
ta³ki²nha²yhu¹i² i³sa²nēn¹kxi²nha²yhu¹i² nxe³lxā³ wi¹lī³we¹nha¹jah³lxi³hē¹la².
9 Jā¹nxe³lxā³, a²nū²a² a³xa² ko³nxe³ti³ kāi³ūh¹nx2ti³kxai²nān²tu³, hai³txi³a²-
yoh³la³ ko³nxe³ti³ kāi³ūl¹xah³lxi³hē¹la². Te²yā¹nxe³lxā³, ko³nxe³ti³hit1sxā³
i³ye³kxi¹nx2ti³kxai²nān²tu³, hai³txi³a²yoh³la³ ko³nxe³ti³hit1sxā³ i³ye³kxain¹yah³-
lxi³txa³hē¹la². Hāi¹nxe³lxā³, ha³lo²a² wi¹ju³ta² so¹lxi³ kāi³ūl¹hi², i³ye³kxi², nxe³lxā³,
ū³yho³hi¹txain¹yah³lxi³hē¹la². Jā¹nxe³nx2ti³si¹jau³su², Txa²wā¹sū³na² ha³lo²a²
wi¹ju³ta² so¹lxi³ha³lo²lot3si¹nx2ti³jau³su², wā²nxa³kxa² so¹nx2ti³ta¹hxai²hē¹la².
10 Kxā³nāu³u¹tai²na², Txa²wā¹sū³na² ha³teh³nxā³nxān¹jau³su² te³nah¹lxi¹:

—~Ka³te³na² wi¹tāu³a¹ ka³lih³tāu³a¹ ten³sa³nhā¹. Ha³lo²a² wi¹ju³ta²
so¹lxi³ i²ti³ter³sa³nhā¹. Yah³lxin¹kxai²nān²tu³, ha²ya³kxa²ti³lxā³ wxa²-
yxo²a² ko³nxe³ti³ i³ye³i², ta²ko¹ta²kon¹txi³ i³ye³i¹, nxe³jah³lxi³hē¹li¹.

11 Jā¹nxe³lxā³, a²ko³nxe³ti³ kāi³yah³lxin¹ju³ta² a³ta³lo³ta³wxe³lxā³ a³na¹i²,
wain³txi³ kāi³ju³ta² so¹lxi³ kāi³i², nxe³jah³lxi³hē¹li¹. Yah³lxin¹kxai²nān²tu³:
“Ã³nhāu²no³nha²yhu¹ki¹ju³ta² ten³khaix1sa³nhā¹.” Nxe³nha¹jah³lxi³hē¹li¹.

12 Txa²wā¹sū³na² Si³yxau³tāu³a¹ a²ē¹nān¹jau³xa²sa¹: “Txa²ye³nai²na²,
a²nū²a² wain³te²a² wi¹li²i², txa²ne³nxē³nai²na² a²nū²a² wain³te²a²
i³ye³kxi²sa²jau³xa² wi¹llain³ki², na¹xā¹. Yxān¹ta¹, a²nū²a² ko³nxe³ti³
kāi³te²su² te²lē¹ en²khaix1jah¹lo²sa¹xā¹.”

Txa²wā¹sū³na² ha³teh³nxā³nxān¹jau³su² nxe³ ta¹hxai²hē¹li¹. Ta¹hxai²hē¹la².
13 Nxe³ha²kxai³:

—~Sa²wai³wait3sxā³ wain³txi³ kāi³a¹tū¹xā¹. Yah³lxin¹kxai²nān²tu³, hxi²kan¹txi³,
a²nū²a² a³xa² khāuh³lxa³ti³hi¹txa²lxi³lxā³ hxa³txa²lxi³hi³nx2nxa³wa². 14 Yxān¹ta¹:

—~Wi¹kāi³to³ha¹xā¹. Na¹kxa²ha³ta³nxān¹ti³, khāuh³lxa³ti³hit1sa²na³na¹,
a²nū²ai²na²sā¹. Yah³lxin¹kxai²nān²tu³, Txa²wā¹sū³na² ka³lih³ti³hit1nx2ti³-
tu¹wa². Yah³lxin¹kxai²nān²tu³:

—~Ka³li³sa³nhā¹. Txa²wā¹sū³na² ka³lih³ti³hit1sa³ha²kxai³, a²nū²a²kuh³-
lxa³thin¹te²a² yuh³lxin²nxa³i², hxi²waun³ta³kxin²nxa³i², nxe³jah¹lo²sa¹xā¹.
Nxe³jah³lxi³hē¹la². 15 Hāi¹nxe³lxā³:

—~Txa²wā¹hxī²kan¹ta² Si³yxau³jah¹la² Je³su² Kris²tu³jah¹la² kāin²khai¹-nxē², wi¹lhīn¹khai¹nxe², nxe³jah¹lai²la¹xā¹. Jah¹la² so¹lxī³ yxo²o²nha²sxā³ yxau²xai³yai¹na¹tū¹xā¹. Nxe³jah³lxi³hē¹la². Yah³lxin¹kxai²nān²tu³, a²nū²a² i²li³te²a² i³wā³txi³nx2ti³kxai²nān²tu³:

—~Ih¹nxe³kxa²yan³ti³ta³ Je³su²jah³la² sa²yxo²we¹jah³lxin¹ji¹wi¹? Nxe³-nx2ti³kxai²nān²tu³, Je³su²jah³lai²na² sa²yxo²we¹jah³lxin¹ju³ta² a²nū²ai²na² i³ya¹ū³nha¹je¹txain¹yah³lxi³hē¹la². Nxe³sxā³ win¹ta²te²lxī³ yxo²i²nha²sxā³, a³la³kxi²yxau³sxā³, i³ya¹ū³nha¹je¹txain¹yah³lxi³hē¹la². 16 Yxān¹ta¹, wxa²ē¹nāu³a¹ au³txi³ wi¹li³ye³ki²nha²sxā³ wxa²ha³lo²a² i³ya¹ū³nha²je¹txain¹yah³lxi³hē¹la². Yah³lxin¹kxai²nān²tu³, a²nū²ai²na² kg³nxē³ti³hit1sxā³ i³yī¹li¹nx2ti³kxa²ha³ta³-nxān²txi³, a²ē¹nāu³a¹ aq³txi³ i³āu²lxī²to³nha²hī³nx2na³la².

—~A²ya³la³tu³, jah¹la² Je³su² Kris²tu³jah¹lai²na² wān³txa² sa²-yxo²wet1sxā³ wi¹kāi³jah¹lo²su² na³na¹. Nxe³kxi¹nx2ti³hī³nx2na³la².

17 Jā¹nxa¹jau³su², wain³txi³ kāi³yah³lxin¹kxai²nān²tu³:

—~Wain³txi³ kāi³to³hxai²na¹hē¹na¹. Na¹ta¹, a²nū²a² khāuh³lxa³ti³hit1sxā³ ū³yho³hi²sa²na³na¹. Yah³lxin¹kxai²nān²tu³, ju¹ta² wi¹lhī³nx2na³la², Txa²-wā¹sū³na² ten³jau³xa² yāl¹nxē³jau³lxi³ khāuh³lxa³txi³nx2ti³kxai²nān²tu³ta². Yxān¹ta¹, ko³nxe³ti³ kāi³yah³lxin¹kxai²nān²tu³, ju¹ta² wi¹lhī³nx2nxa³wa², a²-nū²a² khāuh³lxa³ti³hit1sxā³ ū³yho³hi¹nx2ti³ta³nxa², ū³yho³hi¹nx2ti³xa³ta³nxa² nxe³kxa²ha³ta³nxān²ti³nū¹. 18 Jā¹nxe³sxā³, Je³su² Kris²tu³jah¹la² wain³khai¹-nxē³jah¹la² ya³lu²kxi²nē³ta¹hxai²hē¹la². Txa²wā¹kī³na¹xai²na² ko³nxe³ti³ kāi³te²kī³na¹xai²na² wxa²wa²sut1hxā³te³te³lhxā³ ya³lu²kxi²nē³ta¹hxai²hē¹la².

—~A²nū²a² yxo²ha³kxa¹, Txa²wā¹sū³na² Si³yxau³tāu³a¹ a³ya³lxih²xi²yhu¹tai²lā¹. Nxe³kxi¹nē³jau³su², Je³su²jah³la² ya³lu²kxi²nē³ta¹hxai²hē¹la². Jah¹la², txa²wā¹sū³na² wen¹sxā³ yxau³nū²la² ya³lu²ta¹hxai²hē¹la². Yxān¹ta¹, Txa²wā¹sū³na² Yāu³ka³lxah¹la² nū³lxkūn³txi³ ka³ten³ti³hit1sxā³ i³sa²yxau³xi²ti³hi¹ta¹hxai²hē¹la². Nxe³ju³tan¹te²-kxa³yan³tu³ta¹te²yāl¹nxē³sxā³ ya³lu²kxi²nē³ju³ta³nū³a² yū²nxā³lho³la². 19 Nxe³sxā³, Je³su²jah³lo²su² jah¹lai²na² Txa²wā¹sū³na² Yāu³ka³lxah¹lai²na² a³nū²nx¹sxā³, a²nū²a² ya³lu²te²a² yāu³ka³txi³nāu³xa² he¹ain¹ta³ko³nāu³a¹ ān³tū³xain¹sxā³, Txa²wā¹sū³na² wān³txa² i³ya¹ū³hain¹ta¹hxai²hē¹la². 20 Nxe³ju³ta², yān³tai²na² No³e²ah³lo²nu¹tai²na² a2ka³te³nhī¹nu¹tai²na², a2yu³xa²i²nān¹tū³ka³txu¹tai²na² yxo²ha³kxa¹, Txa²wā¹sū³na² sa2yxo²a³sa2te³sxā³ yxau³ain¹ta¹hxai²hē¹la². Nxe³-ha²kxai³, Txa²wā¹sū³na² hxi²ki³kxai²lu² wē³ha²yu³xa² ha³nxeh³lxi³jau³xa² kāin² sa2yxu¹na³ū¹hain¹sxā³ i³lon³txa² hxa³nain¹ta¹hxai²hē¹la². A²nxe³te²u¹tai²na² a2ya³lu²te²yāu³ka³txi³nāu³xa², a²hī¹nai²na² Je³su²jah³la² i³ti³nxain¹ta¹hxai²hē¹la². Yān³tai²na² No³e²ah³lo²nu¹tai²na² na³vī²o²tē³na² ar²ka³tē³na² wet1sa²tē³l², hau³-hau³kon³sxā³ Txa²wā¹sū³na² win¹ta²te²lxī³ wah³nxē²sa²tē³i²:

—~Ko³nxe³ti³ kāi³ain¹ju³tai²na² ā³na¹ain¹sxā³, ka²no¹a² ka³lo³ai²na² ā³wih¹tai²lā¹. Ain¹ta¹, kxān³su² ain¹ta¹, a²nū²a² nū³ka³txu¹tai²na² hāi¹nxe³sxā³ sa²yxo²a³sa²te³ain¹-ta¹hxai²hē¹la². Nxe³ha²kxai³, ya²lu²ta¹lxī²hxa³tain¹ta¹hxai²hē¹la². Hāi¹nxe³sxā³, ha¹l¹, ha¹l¹, ha¹lin¹tū³ka³txa² so¹lxi³, wā³kon³sxā³ i³ya¹xa² ne³ka³nah²nāu³u¹tai²-na² ka²no¹ai²na² yxau³sxā³ ka³ten³ta³ yxau³ain¹ta¹hxai²hē¹la². 21 A²nxe³te²u¹tai²na²

Í³yau³xu¹tai²na² ū³hū¹ki²sa²sai¹nē³jau³hū³jau³xai²la¹wa². A²nxe³jau³xai²na² a²hi¹-nai²na² ū³hū¹ki²sa²sai¹nē³kxai²nān²tu³, Txa²wā¹sū³na² ā³wa²su¹te³tu¹wa².

—~Nū³kxūn³txi³ sa²hxan³kxi²ti³se¹li¹. Nxe³nē³kxai²nān²tu³, hai³txi³txa²wā¹nū²ai²nān¹te²a² a²nā³txai²na² so¹lxi³ kwa² wxa²hi³la³ki²nē³-jau³nū³su² e³kxin²nxa³wa². Yxān¹ta¹, au³txi³ txa²wā¹ē¹nāu³a¹ whāi²na¹ko³nxe³ti³ e³ki³ju³txai²na² ā³nhan³ka²ti²sa²sai¹nē³jau³nū³su² e³kxi²na¹wa². Nxe³ju³ta², Txa²wā¹sū³na² e³ki²ki³te³nah¹lx¹:

—~Txa²sū³nāi³. Nxe³ti¹. Txa²au³txi³ ē¹nāu³nū¹ai²nān¹jau³xai²na² Je³-su²jah³la² ya³lu²tāu³a¹ nū³kxūn³txi³ ka³ten³su² ī³sa²yxau³xi²ta¹hxai²hē¹li¹. Te²u¹ja¹nxe² sa²hau³kot³Se¹li¹. Nxe³ki³te²ju²hē³la².

—~Í³yau³xa² ū³hū¹ki²sa²sai¹sa²na³na¹. Nxe³ki³kxai²nān²tu³, nxe³ki³-te²ju²hē³la². 22 A²nxe³jah¹lai²na² Je³su²jah³lai²na² oh³nāu³nū¹ka³nāu³a¹ka³la³xi²sxā³, Txa²wā¹sū³na² Si³yxau³jah¹la² a²wi¹tāu³a¹ a²hxi²kan¹-khaix¹tāu³a¹ ā³ha³ti³sai¹sxā³ ā³wxe³nū¹yhain¹ta¹hxai²hē¹la². Ain¹sxā³, a²ta³nāu³xa² oh³xai²nān¹te²su² te²nāu³xa² ha³ta³nxān²txi³ a²ta³nāu³-xa² hxi²kan¹ta² si³yxau³te²su² te²nāu³xa² ha³ta³nxān²txi³ a²ta³nāu³xa² nū³kxūn³te²su² te²nāu³xa² ha³ta³nxān²txi³ a²yo²ha³kxa¹ whāi²na¹ Je³su²-jah³lai²na² a²yu³hē³nāu³a¹ yxau³yain¹tu³ka³txi³sain¹na³la².

Sū³na² a²ten³jau³su² ī³hau³ko³tūh¹sxā³ yxau²xai³ki³jau³su²

4 1Jā¹nxe³jut³su² Je³su² Kris²tu³jah¹lai²na² a²nū²ai²na² khāuh³lx³txi³-nha²na²hē³la². Nxe³kxa²ha³ta³nxān²ti³ hai³txi³ khāuh³lx³ti³nha²ju³tai²li²en²nha²ta¹hxai²nxa³hē¹la². Nxe³kxa²yā¹yxah³lxin¹sxā³ khāuh³lx³ti³nyhah¹-lxin¹lx³ti³nān²tu³ wi¹lhi¹nha²sxā³ khāuh³lx³ti³nyhah¹jah³lx³hē¹la². Yah³lxin¹kxa²nān²tu³, ko³nxe³ti³ kāi³yah³lxin¹ju³ta³lo³jah³lxin¹ju³ta² ā³wa²-su¹khai³nxe³nx²ti³hi³nx²na³la². 2Nxe³ha²kxai³, yuh³xai²nān¹ta³ko³xai²na²yxau²xai³yah³lx¹nhī¹nān¹te²ka³ya³tu³, Txa²wā¹sū³na² a²ē¹nāu³a¹ ten³jau³xa²so¹lxi³ ī³hau³ko³tūh¹sxā³ yxau²xai³jah¹lx³hē¹la². Hai³txi³ wxa²sū³nāu³ai²na²ko³nxe³thin¹yah³lxin¹jau³la³ yxau²xai³yah³lx³txa²hē¹la². 3A²ha² kxa³nx², a²nū²a² Txa²wā¹sū³na² Sū³ni²nx²tū³ka³txa² yā¹nxe³sxā³ ko³nxe³thin¹sxā³ yxo²-kwai³nain¹jau³xa² yā¹nxe³jau³lx¹ yxau²xai³yah³lx³to³ta¹hin¹ti³ai¹ti²tu³wa². Yah³lxin¹ju³ta²sa¹: au³txi³ wxa²ē¹nāu³a¹ ko³nxe³ti³ yxo²kwai³ni², ko³nxe³-ti³ yxo²kwai³yah³lxin¹jau³su² ko³nxe³ti³ wa³ni²lon³kxi²nyhu¹i² yain³jau³xa² ūn³jau³xa² ū³na²sxā³ wen¹sxā³ ko³nxe³ti³ kāi³i², Sū³na² sa²ki³lx³nha²te²a² ū-sa²nēn¹kxi²sxā³ ko³nxe³ti³ kāi³i², nxe³yah³lx³to³ta¹hin¹ti³ai¹ti²tu³wa². Yxān¹ta¹, hī¹na² hāix¹nā¹yah³lx³hī³nx²lx². 4Nxe³ha²kxai³, Txa²wā¹sū³na² Sū³nx²nx³-tū³ka³txai²na² wx²ha³lo²a² ā³ne³wxe³ti³hex¹ye¹nx²ti³xa³wa². Nxe³te³nah¹lx¹: —~Íh¹nxe³kxa²yan³ti³ta³ Je³su²jah³la² nū³ka³txai²na² ā³na¹sain¹-sin¹te²ta²hēn³kū²? Íh¹nxe³kxa²yan³ti³ta³ a²kxā³nxai³tā² kwa² ha³lo²a²ha³nxe³lx³txi³ ko³nxe³ti³ kāi³ya³sain¹to³hxai²kait³jāl¹nxe³ ya³sain¹to³hx³kū²? Nxe³kxi¹nx²tain¹jau³su² ū³yxo²kwīn¹ki¹nx²ti³sxā³ ko³nxe³ti³hit¹lx³xa³ ū³ye³-kxi¹nx²tain¹na³la². ⁵Yxān¹ta¹, a²nxe³tu³ka³txai²na² a²hī¹nai²na² a²ko³nxe³ti³

kāi³ain¹ju³tai²na², yxan¹nāu³a¹ Txa²wā¹sū³na² i³yau¹ū³nha²yain¹sān²ka³tu³
 a²wah³yu³ta² ha³lo²lo³tain¹tu¹wa². Nxe³tāu³a¹, a²nū²a² yxo²ha³kxa¹ ka³ten³su²
 ta³nxa² ya³lu²te²su² ta³nxa², nxe³sxā³, yuh³xai²nān¹ta³ko³xai²na² yxau³ain¹-
 sxā³ kāi³sa²tē³ain¹ju³txai²yā¹nxe³sxā³, Txa²wā¹sū³na² Si³yxau³tāu³su² tāu³a¹
 wxa²nxy¹hain³nha²sxā³ i³y¹li²xai³ain¹tu¹wa². Ha³lo²a² nxe³ne³ju³ta³nū³a² yau³-
 son³ki²nē³na³la². 6 Jā¹nxe³jau³su², Je³su²jah³la² a²nū²a² ya³lu²te²a² yāu³ka³txa²
 ha³ta³nxān²txi³ a³tī²xi²sxā³, wān³txa² wi¹jau³xa² i³yau¹ū³hain¹ta¹hxai²hē¹la².

—Ta³nxū¹ka³txai²na², ha³lo²a² yuh³xai²nān¹ta³ko³xā² yxau²ho³-
 hai¹nhī¹nai³tā² ko³nxe³ti³ kāi³ain¹na²hē³na¹. Nxe³ain¹ju³ta² yo³ha²
 ya³lu²ain¹na²hē³na¹. Nxe³sxā³, yuh³xai²nān¹tū³ka³txa² yxo²ha³kxa¹ ko³nxe³ti³
 kāi³i², a²yo³ha² ya³lu²ju³ta² yū², nxe³kxa²yā¹xain¹na²hē³na¹. Yxān¹ta¹, a²hi¹-
 nai²na² wān³txa² wi¹jau³xa² tū¹ka³txai²na² ya³lu²te² yāu³ka³txi³nū³ka³txa²
 i³yau¹ū³hai¹na¹tū¹xā¹, sa²yxo²wet1sa²sxā³, Txa²wā¹sū³na² Yāu³ka³jxah¹la²
 ka³ten³ti³hi¹txain¹sxā³, txai²yā¹nxe³sxā³ yxau²wa³to²hain¹txai²lā¹. Nxe³jau³-
 su², i³ye³kxi²nha²sxā³, Je³su²jah³la² i³tih³nxain¹ta¹hxai²hē¹la².

Txa²wā¹sū³na² a³la³kxi²ti³hi¹tē³jau³su²

7 Nxe³jah³lxī³sā²lxa². Yuh³xai²nān¹ta³ko³xā² hxnān³je³nāu³wa³kxa² yāu³-
 son³ki²nē³na³la². Nxe³ha²kxa³, wi¹lain³nha², wain³txi³ kāi³sxā³ yxau²xai³li²
 nxe³jah³lxī³hē¹la². Yah³lxin¹kxai²nān²tū³, ha³tin³ti³, Txa²wā¹sū³na² i³hen³txi³jah³-
 lxī³hē¹la². 8 Hāi¹nxe³kxe³hū³nxe², hxi²kan¹khāi¹nxe³jau³xa² i³ye³kxi¹nx2ta¹wa².
 Au³txi³ wxa²ē¹nāu³ai²na² whāi²na¹ wi¹lāi³nha²sxā³ a³lxī²waun¹nha¹jah³lxī³hē¹-
 la². A³lxī²waun¹nyah¹lxin¹kxai²nān²tū³, ko³nxe³ti³ kāi³ūh¹nx2ti³to³hain¹kxa²
 ha³ta³nxān²txi³ ne³wā²na³yah³lxī³to³hin¹tu¹wa². 9 Jā¹nxe³sxā³:

—~A²nū²a² ā³xa² txa²sxi²ha² wxā²na³na¹. Ha³la³ka³lxā³lon³ki²sa²na³na¹.
 Yah³lxin¹kxai²nān²tū³, wi¹li³hen³txi³nha¹jah³lxī³hē¹la². Wxa²ē¹nāu³a¹ hāi³a² i³-
 yen²yhu¹ah³lxan³kxe³su² ka³lih³khāi¹nxe³sxā³ wi¹li³hen³txi³nha¹jah³lxī³hē¹la².
 10 Jā¹nxe³sxā³, Txa²wā¹sū³na² i³la³kxi²te²lo³tū¹nxā²lxi³ju³ta² wā²nxū¹ha³na³-
 ka³lxī³a³la³kxi²ti³hi²ti² ai³nx2ti³hī³nx2na³la². Jā¹nxe³nx2ti³jau³lxī³, a²nū²a²
 ā³xa² yxo²ha³kxa¹ ā³nhxi²nū¹nū²waun¹nha¹jah³lxī³hē¹la². 11 A²ī²li³te² i³nxa²:

—~Wān³txa² wi¹jau³xa² a²nū²a² yxo²ha³kxa¹ i³tih³nxai¹na¹tū¹xā¹.
 Ain¹yah³lxin¹kxai²nān²tū³, Txa²wā¹sū³na² wān³txi³khāi³xa² so¹lxī³ i³tih³-
 nxe³txain¹yah³lxī³hē¹la². Te²yā¹nxe³sxā³:

—~A²nū²a² ā³xa² ā³nhxi²nū¹nū²hai¹na¹tū¹xā¹. Ain¹yah³lxin¹kxai²nān²tū³:
 —~Txa²wā¹sū³na² hxi²kan¹ti³hit1sa²jau³su² ā³xai²na² ā³nhxi²nū¹nū³-
 hai¹na¹tū¹xā¹. Nxe³txain¹yah³lxī³hē¹la². Yah³lxin¹kxai²nān²tū³, a²nū²a²
 yxo²ha³kxa¹ ī²nx2ti³ka³tū³, wxa²ha³lo²a² i³ye³te³nah¹lxī¹:

—~Je³su² Kris²tu³jah¹la² ta³nxū¹ka³txai²na² a²ē¹na² hau³ko³tain¹jah¹-
 lai²la¹wi¹. Nxai¹nha²kxa³ wi¹kāi³ain¹na³li¹. Nxe³ha²kxa³, Txa²wā¹sū³na²
 Si³yxau³tāu³a¹ ī²sa²nēn¹kxi²a³sah¹lxī³hē¹li¹. A²nū²a² yxo²ha³kxa¹, nxe³nx2ti³-
 hī³nx2na³la². Txa²wā¹sū³na² so¹lxī³ wxi²kin³ti³ton³khāi¹nxe² wa³to²hi²,
 hxi²kan¹khāi¹nxe² wa³to²hi², nxe³jah¹lai²la¹wa². Nxe³ha²kxa³ ye¹nx2ta¹wa².

Sū³na² wē³ha³lxi³su² kxan²ti³ khāuh³lxa³ti³hit1tē³jau³su²

12 Ne³ka²ki²sah¹lxi³he¹la². A³lxi¹nx²ta¹wa². Nxe³ha²kxai³ ya³nx²ta¹wa². Ha³lo²a² ha³nxe³lxi³khai¹nxe³ju³ta², ha³nxe²a² a³lan²khai¹nxe³tho³hū³ju³ta² ha³lo²lo³txa²lxi³na³la². Nxe³nx²ti³ju³ta² Txa²wā¹sū³na² i³ye³kxi²nha²te³nah¹lxi¹: —~Txa²nū³ka³txai²na² kan²txi³ yxo²i²sain¹ta³nxa², sai¹nxa³ta³nxa² ai¹na¹nhā¹. Na¹ha²kxai³ ha³lo²ai²na² ha³nxe³lxi³ju³txai²na² ūh³wxe³sxā³ ū³wha³ka³ne³ sai³nai¹na¹tū¹xā¹. Nxe³nx²ti³jau³su², Txa²wā¹sū³na² ūh³wxe³nx²ti³hī³nx²na³la². Nxe³nx²ti³kxe³su², i³wa³wa³ta³kxi², i³yxuh³lxi² nxe³yah³lxi³txa³he¹la². —~lī¹nxe³kxa²yān³ti³ta³ ha³lo²a² ha³nxe³lxi³ju³ta² ūh³wxe³sa³te²la¹ku², Txa²wā¹sū³nu²su³ku². Nxe³yah³lxi³txa³he¹la². 13 Yah³lxin¹ta¹ hāi¹nxe³sxā³ i³ka³li³jah¹lxi³he¹la². Je³su²jah³la² wi¹kāi³khai¹nxe³kxa² ha³ta³nxān²txi³, a²nū²a² kuh³lxa³thin¹tū³ka³txa² khāuh³lxa³txi³hī¹yhain¹ta¹hxai²he¹la². Nxe³ju³tau³hxai²tēx1 ja¹nxe³sxā³ ha³lo²lo³txa²lxi³na³la². Nxe³ha²kxai³: —~Je³su²jah³la² ha³lo²a² khāuh³lxa³txi³ju³tau³hxai²tēx1 ja¹nxe³sxā³ wxa²- nhū¹yu³sa²na³na¹, Je³su²jah³la² wān³txa² sa²yxo²we¹ta¹ha²kxai³la². Sa³ha²kxai³, ka³li³sa³nhā¹. Nxe³jah³lxi³he¹la². Yah³lxin¹lxa² nān²tu³, yxan¹nāu³a¹ Je³su²jah³la² wxi²kin³ti³ton³sxā³ a³ya³ti¹xi¹ne³tu¹wa². Nxe³nē³tāu³a¹, kāin²ka³li³sxā³ a³sen³- sai¹khai¹nxe³sxā³ kāin²ka³li³yhah¹lxi¹tu¹wa². 14 Wxāi²na² Je³su²Kris²tu³jah¹la² a²wē³ha³lxi³syah¹lxi¹lxa². Yah³lxin¹kxe³su², sa²nē³he²txa²lxi³sxā³ a²nū²a² kuh³lxa³ thin¹te²a² ko³nxe³ti³hit1sxā³ i³ye³kxi¹nx²ti³na³la². Nxe³nx²ti³kxa² ha³ta³nxān²txi³ i³ka³li³je¹jah¹lxi³he¹la². Txa²wā¹sū³na² Yāu³ka³jxah¹la² wxi²kin³ti³ton³jah¹la² yxau³- ya³nx²ti³sxā³ sa²hxi²ka¹txa²lxi³na³la². Nxe³nx²ti³ha²kxai³ i³ka³li³jah³lxi³he¹la². 15 Yxān¹ta¹ a²nū²a² a³xa² i³su²lha³1, a³xa² yen³ka² kāi³sa²no¹1, wai³nxa³txi³ kāi³1, a²nū²a² a³xa² ko³nxe³ti³ kāi³si¹hain¹yah³lxin¹jau³su² i³ye³kxi², nxe³yah³lxi³txa³- he¹li¹. Jāl¹nxe³yah³lxin¹ju³ta² wah³yu³tu³, yuh³xai²nān¹te²a²hxi²kan¹ti³nū³ka³txa² khāuh³lxa³ti³hi¹txa²lxi³kxa²yan³ti³su² nxe³ye¹nx²ta¹wa². 16 Yxān¹ta¹, Je³su²jah³la² so¹lxi³sa²yxo²we¹jah¹lxi³he¹la². Yah³lxin¹lxa² nān²tu³, a²nū²a² kuh³lxa³tin¹te²a² i³sa²ne³he²txa²lxi³sxā³ khāuh³lxa³ti³hi¹txa²lxi³kxa²nān²tu³, Txa²wā¹sū³na² i³au²- lxa²to³nha²sxā³ i³ye³kxi²yah³lxi³txa³he¹la². Hāi¹nxe³sxā³ i³sa²nēn¹kxi²jah³lxi³he¹la². —~A²nū²a² nū³ka³txai²na², Je³su²jah³la² yā¹nxe³sxā³ i³y¹li²sa²sxā³ i³- yxo²kwīn¹ki²sa²na³na¹. Na¹ha²kxai³ ka³li³sa³nhā¹. Nxe³jah³lxi³he¹la². 17 Jāl¹nxa¹jau³su², hī¹nai²na² Txa²wā¹sū³na² yuh³xai²nān¹tū³ka³txi³ki³na¹xai²na² yxo²ha³kxa¹ kāi³ki³kxe³su² wi¹lxa² tā³nxa² wi¹lxa² tā³nxa² nxe³kxa² yā¹nxe² i³yo³hi²ju³- ta² ān³si³wxe³nū¹nhē³na³la². Ha³lo²a² i³y¹li²nū¹nhē³je³nāu³wa³kxa² hau³kon³na³la². Nxe³ha²kxai³ txa²wā¹we³ha³lxi³su² te²ki³na¹xai²na² txa²nū² i³y¹li²nū¹nhē³sān²- nū²la², hā²wxān³txi³te²lxi³nū² ān³si³wē³nxi²sxā³, a²nū³ka³txi³ a³xa² sa²kxai³lu² wān³txa² wi¹jau³xa² sa²yxo²a³ain¹tū³ka³txa² sa²kxai³lu², Txa²wā¹sū³na² i³y¹li²nū¹nhē³lxa³ i³ye³kxi²yah³lxi³he¹la². —~A²nū²nāu³xa² wi¹lhin¹te²nāu³xa² a²ko³nxe³ju³ta² kxāu³sxā³ sa²- wa²su¹tain¹tu¹wi¹. Nxe³ta¹, i³lxi³thi¹nxa² tū³ka³txai²lē¹: “Txa²wā¹sū³na² ten³sa²nxān³nhā¹. Hāi¹nxe³sxā³ sa²yxo²a³sxā³ ko³nxe³ti³ kāi³a¹tū¹xā¹.” Nxe²

yxau²xai³lain¹tū³kā³txai²lē¹. Hai³txi³ sa²wa²su¹ti³he¹xai¹nxa³lho³li¹. Txa²-wā¹sū³na² ū³wha²li¹txā³nxu¹tai²na² nxe³ta¹hxai²hē¹la².

19 Jā¹nxe³yah³lxin¹ju³ta² Txa²wā¹sū³na² a²ē¹nāu³a¹ i³ye³kxi²nha²sxā³ ten³jau³xa² yā¹nxe³jau³lxī³ khāuh³lxa³txi³nx2ti³hxai²nān²tu³, hāi¹nxe³sxā³ wain³txi³ kāi³sa²tē³je¹jah³lxī³hē¹la². Nxe³sa³kūx1:

—~Txa²wā¹sū³na² wet1sa²jah¹la² wi¹lhin¹jah¹lai²la¹xā¹. Sa²yxo²we¹-nha²jah¹lai²la¹xā¹. Na¹ha²hxai³ hāi¹nxe³sxā³ yxo²i²sa²tē³a¹tū¹xā¹. Na¹ka³tu³sa²wai³wait3sxā³ wi¹kāi³a¹tū¹xā¹. Nxe³jah³lxī³hē¹la². Ju¹ta² wain³na³la².

O³ve²a² ū³wā²lo³hxah³la² yā¹yxah³lxin¹jau³su²

5 1 Wxa²yah³la²nāu³xai²na² hxi²kan¹ya³nx2ti³tū³kā³txi³ ū³nxai²-na² ū³ye³kxi²nx2ta¹wa². Wxāi²yā¹nxe³sxā³ yah³lo²hū³nūn³te²sa¹wa². Txai²na¹xai²na² a²kxā³nxa² Je³su² Kris²tu³jah¹la² khāuh³lxa³txi³ju³txai³ta² te²yen³na² ū²a¹jah¹lai¹ta³lxā³na¹wa². Na¹ha²hxai³, yxan¹nāu³a¹, Txa²wā¹sū³-na² hi²sen³su² Je³su² Kris²tu³jah¹la² wxi²kin³ti³ton³ti³hi¹tu¹wa². Nxe³tāu³nū³āi wxi²kin³ti³ton³ti³hit1sa²kah³lo²nū³sa³ha²hxai³ nxe³jah¹lo²sa¹wa². Na¹te³-na¹xai²na², txa²yxo²ka³nāu³a¹ whāi²na¹ aīn³nha²sxā³ ū³ye³kxi¹nx2ta¹wa². 2 Nxe³nx2ta¹te³nha¹lxī¹. Txa²wā¹sū³na² a²wē³ha³lxī³yu³ta² yxo²i²nx2tai¹te³-nai¹ti³tu³wa². A²nxe³tu³kā³txa² wi¹sa²hau³ko³txain¹yah³lxī³hē¹la². Wi¹lhin¹te²a² wa³kxēn³yah³la² a²ka³yxuh³xa² o³ve²a² ū³wā²lo³hxah³la² wi¹lū³yhai¹tain¹jut3sū³-nxe² nxe³tain¹yah³lxī³hē¹la². Yah³lxin¹hxai²nān²tu³, sa²ye³so¹nha²nxa³sxā³, wi¹wi¹nxe²sa²hau³ko³txain¹yah³lxī³hē¹la². Yah³lxin¹hxai²nān²tu³:

—~U³lha³nhā¹. Kwa² ten³nxa³kxe³su² ha³lo²lot3sa²te³lhxā³ sa²na³na¹. Yah³lxin¹jau³su² sa²hau³ko³txain¹yah³lxī³txa² ū³hē¹la². Hāi¹yxān¹ta¹:

—~Txa²wā¹sū³na² a²ē¹nāu³ān¹jau³xa² so¹lxī³te³ni², a²sa³wi³ha³lxā² hxi²nū³hai¹na¹ju³ta³nū³a² te³ni², na¹xā¹. Hai³txi³ kwa² a²yo³ha² so¹lxī³ yxo²kwai³na¹jau³la³ o²la³kxin²nxa³xā¹. Nxe³yah³lxin¹jau³su² Txa²wā¹sū³na² wē³ha³lxā² sa²hau³ko³txain¹yah³lxī³hē¹la². 3 Jā¹nxe³sxā³ yxo²ha³nxe³lha³txi³ a²sa³wi³ha³lxā² ū³kwa³na³ain¹yah³lxī³txa³hē¹la². Yxān¹ta¹ wi¹kāi³je¹tain¹-yah³lxī³sxā³ Txa²wā¹sū³na² ū³hē¹la² ū³txain¹yah³lxī³hē¹la².

—~ ū³hxi²so¹sain¹lxā³txai²yā¹nxe³sxā³ wi¹kāi³ain¹txai²lā¹. Nxe³txain¹yah³lxī³hē¹-la². 4 Nain¹yah³lxin¹hxai²nān²tu³, Je³su²jhā³la² o³ve²a² ū³wā²lo³te²hū³jhā¹lai²la¹wa². Hxi²kan¹khāuh³lxa³txain¹yah³lxī³hē¹la². A²nxe³jhā²lo²su² jah¹la² yxan¹-nāu³a¹ kā³nxa² ū³xi²sxā³ a³ya³ti¹xi²nē³ta³a¹ wi¹sa²hau³ko³tain¹yah³lxin¹hxai²yo³su² kāin² wxi²kin³ti³ton³ti³hi¹txa²lxī³tu¹wa². Txa²wā¹sū³na² wxi²kin³ti³ton³sa² ū³hē¹la² ū³to²hi²jhā¹lai²la¹wa². Te²yā¹nxe³te²hū³sxā³ ū³hē¹txa²lxī³tu¹wa².

5 Jā¹nxe³jut3su², sax3ne³lax3ku³nāu³ ū³nxai²na² ū³ye³kxi¹nx2ta¹wa². A²yah³lo²nāu³xa² a²yu³hē³nāu³a¹ yxau³jhā³lxī³sxā³ sa²yxo²we¹jhā¹lxī³hē¹la². Ya³nx2ta¹wa². Jā¹nxe³kxe³hū³nxe², a²nū²a² yxo²ha³hxai¹ ū³ye³kxi¹nx2ta¹wa². Wxa²yu³ta² yxo²ha³hxai¹, ū³xa² a²yu³hē³nāu³a¹ ū³wxe³nū¹whaun¹nha¹jah³lxī³hē¹la². Wi¹wi¹nxe² ū³nhxi²nū¹nū³yah³lxin¹-txai²lā¹. Nxe³ju³ta², Txa²wā¹sū³na² ū³wha²li¹la³kxi²nē³te³nah¹lxī¹:

—~A²nū²a² yxo²kāin²txi³ kāin²te²lo³nha²te²su² kxai²nān²tu³, Txa²wā¹sū³na² en²khai¹nxe³kah³lo²su² hī³nx2na³li¹. Yxān¹ta¹: “A²nū²a² ā³xā² yu³hē³nāu³-a¹ yxau³nū¹ha¹tū¹xā¹.” Nxe³jah¹lo²su² kxai²nān²tu³, Txa²wā¹sū³na² thāi³ti¹la² wi¹lhin¹sxā³ sa²hau³ko³kah³lo²su² hī³nx2na³li¹. Ta¹hxai²hē¹la². Nxe³ha²kxai³ ā³xā² yu³hē³nāu³a¹ ā³wxe³nū¹whaun¹nha¹jah³lxi³hē¹la². 6Nxe³ha²kxai³:

—~Txa²wā¹sū³na² hxi²kan¹khai¹lxi¹jah¹lai²la¹xā¹. Yah³lxin¹kxai²nān²tu³, a²nxe³jah¹la² yu³hē³nāu³a¹, yxau³nū¹jah³lxi³sxā³ sa²yxo²we¹jah¹lxi³hē¹la². Yah³lxin¹kxai²nān²tu³, ha³lo²a² wā²nxū¹ i³yī¹li¹nū¹nx2ti³je³nāu³wa³kxa² hau³kon³na³na¹. Nain¹kxai²nān²tu³, kāin²te²lo³txa²lxi³sxā³ i³sa²nēn¹kxi¹-nx2ti³tu¹wa², Txa²wā¹sū³na²sa³. 7Jā¹nxe³sxā³, ha³lo²a² i²li³ju³ta² yxo²ha³kxa¹, hxi²waun³ta³kxi²nha¹lxi¹ju³ta² ha³kxa², Txa²wā¹sū³na² yxo²i²txain¹yah³-lxi³hē¹la². Yah³lxin¹kxai²nān²tu³, jah¹la² wxa²ha³lo²a² sa²ye³so¹nha²nxa³sxā³ i²nx2ti³ha²kxai³, wi¹sa²hau³ko³txa²lxi³ha²kxai³, nxe³nx2ti³jah¹lai²la¹wa².

8Yah³lxin¹kxai²nān²tu³ ha³lo²a² wi¹lai³nha², sa²ye³so¹nyhah¹lwan³-kxe³su² wi¹li²i², nxe³jah³lxi³hē¹la². A²ta³a² i³kox1ko¹son²ki¹nx2ti³jah¹la² o²la³kxi¹nx2ti³sxā³, Txa²wā¹sū³na² sa²yxo²ā³sxā³ ā³na¹si¹nx2ti³jau³su² o²-la³kxi¹nx2ti³na³la². Ya²na¹la² ai³lha²thet3sxā³ tuh³ne³ki¹nx2ti³jau³hū³nxe²:

—~Āu³sa³nha¹. A²nū²a² sī³na² so¹jī²na¹tū¹xā¹. Nxe³nx2ti³jau³hū³nxe², a²ta³a² wa³ka³ton³nx2ti³sxā³ a²ta³ai²na² a²ten³ju³ta² kai³si¹yhah³lxin¹-jau³su² o²la³kxi¹nx2ti³na³la². 9Nxe³nx2ti³kxai²nān²tu³, wxāi²nān²ta³ Je³su²jah³la² kan²txi³ i³sxā³ yxo²i²jah³lxi³sxā³, a²ta³a² ūn³ti³hit1sxā³ sa²-ne³khau²ki¹txain¹yah³lxi³hē¹la². Yah³lxin¹kxai²nān²tu³:

—~Txa²wā¹sū³na² wē³ha³lxi³su² te²ki³na¹xai²na² yuh³xai²nān¹ko³xai²na² yxau³ye²te²ki³kxe³na¹xai²na² yxo²ha³kxa¹, txai²yā¹nx³sxā³ a²ta³a² khāuh³lxa³-txi³ne³lhi³nx2na³na¹. Hai³txi³ nūh¹ txai²na² so¹lxi³ khāuh³lxa³txi³sai¹nxa³xā¹. Ju¹ta² wi¹ko³nha¹xā¹. Nxe³jah³lxi³hē¹la². 10Yah³lxin¹kxai²nān²tu³, Txa²wā¹sū³na² Si³yxau³tāu³su² tāu³a¹ kxā³nāu³u¹tai²na² i³kaix1so¹nx2ti³ta¹hxai²ti³ai¹ti²tu³wa². Nxe³nx2ti³kxe³su²:

—~Jū¹nxe² kxān³su² khāuh³lxa³txi³nx2ti³sān²ka³tu³, nxe³nū²la² ha³-lo²a² hau³kon³ki²na³na¹. Nxe³nx2ti³tāu³a¹, Txa²wā¹sū³na² Si³yxau³tāu³su² tāu³a¹, au³txi³ wxa²ē¹nāu³a¹ yxo²ha³kxa¹ i³we²nx²sxā³ hxi²kan¹ti³hi¹ti², wi¹wi¹nxe², yxau²ū¹ki²sa²tē³hi¹ti², nxe³nx2ti³tu¹wa². 11Jah¹la² so¹lxi³ hxi²kan¹khai¹nxe² wa³to²hi²jah¹lai²la¹wa². Nxe³ya³nx2ta¹wa².

Pe²jah³lai²na² a²ne³ki³san¹jau³su²

12Sil³vā²nah³la² sa²yxo²we¹nha²sxā³ Je³su²jah³la² yxo²i²jah¹lai²la¹wa². Nxe³sain¹sxā³, Pe²jah³lō²na¹xai²na² yxo²wā³txai²na² a³lu²xa³jau³xai²na² Sil³-vā²nah³lai²na² ain³kxi²so¹ki²sa²sxā³ a²hxi²ka² ū³wha²lī¹la³kxi¹nx2ti³na³la². A²nxe³na¹jau³xai²na² ha³lo²ai²na² i³kwxe²ki¹nx2ti³si¹ha¹jau³su² i³ye³kxi¹nx2ta¹-

wa². A²ya³la³tu³, Txa²wā¹sū³na² Si³yxau³tāu³a¹ kāin² thāi³ti³la² a³lxi¹nx2ti³na³la². Nxe³nx2ti³ju³tai²na², kan²txi³ i³sxa³ wi¹wi¹nxe² yxau²sa²tē³kxū¹jah³lxi³hē¹la².

13 Txa²wā¹sū³na² i³kaix1so¹tū³ka³txa², Ro²ma²thīn³ thi¹nai²na² yxau³ye²sa²tū³ka³txai²na², thi¹nai²na² wxa²ha³ti³su² tū³ka³txai²-na² a²ha³ta³nxa² sa²si¹hā³nx2ti³na³la². Jā¹nxe³sxā³, Mar²kah³lai²na² txa²ki³lhā³lhū³ye²sa³jah¹lai²na² a²ha³ta³nxa² sa²si¹hā³nx2ti³na³la².
14 A³lxi²waun¹nha¹ju³ah³lxi³sxā³ wi¹lī³hen³txi³nha¹jah³lxi³hē¹la². Je³su² Kris²tu³jah¹la² a²hāu²ju³ta² yxau²xai³yah³lxin¹ju³ta² ten³sa³nha²wa².